

滑稽小說大觀之七

頑童日記

上海滑稽編輯社出版

上海大圖書公司發行

# 滑稽小說大觀

坊間滑稽著作、大半東抄西襲、拾人唾餘、閱者病焉、本書特請、文章能手、滑稽大家、分類撰著、別出心裁、自成奇趣、筆歌墨舞、妙緒環生、聚精會神、笑話百出、所謂喜笑怒罵、皆成文章、側擊旁敲、不離諷刺、而得滑稽之正者也、豈特酒後茶餘、可資消遣、敢云開懷尋樂、舍此莫由、西哲云、日笑百回、可增年壽、不啻為此書道也、茲將已出八種書名列下、

- ▲第一種 怕老婆日記
- ▲第二種 瘟生日記
- ▲第三種 瞎纏先生日記
- ▲第四種 守財奴日記
- ▲第五種 牛皮大王日記
- ▲第六種 女魔王日記
- ▲第七種 頑童日記
- ▲第八種 拍馬日記

◀ 每種洋裝一冊每冊價洋四角 ▶  
 ● 照碼七折寄費加一 ●

# 序

老友寒光。懷爽士也。善屬文。間爲小說家言。造意新奇。不落他人窠臼。年來橐筆滬上。賣文爲活。著述頗富。散見出版界中。惟署名無定。以故名不甚著。朋好叩其故。每笑而不言。昨過其居。得見其新著《頑童日記》於案頭。滑稽小說也。余素稔寒光善寫情。若滑稽之作。則未之前睹。翻閱一過。歷時餐許。捧腹乃不能自已。蓋書中事實無不奇妙絕倫。曲曲傳出。隨處令人發噱。如化學中之笑氣。然非特可以爲酒後茶餘之談。坐實亦消愁之妙品也。文亦灑脫不凡。言情處尤勝。此其所擅也。晚近著述汗牛充棟。然取材每多穢褻。文筆亦復卑劣。閱之非作三日嘔。則亦味同嚼蠟。以視斯篇。瞠乎後已。誠出版界別開生面之作也。其出版界之明星乎。

庚申春暮雲間朱綺雲序於海上客次

---

頑童日記  
序

滑稽之大頑童日記目錄

- 第一章 爆竹彈響 正月初一日
- 第二章 巧改門對 正月初二日
- 第三章 戲謔張菁 正月初四日
- 第四章 鷄翔天空 正月初八日
- 第五章 題影嘲姊 正月初十日
- 第六章 妙窘張菁 正月十三日
- 第七章 扮鬼驚父 正月十四日
- 第八章 私窺情書 正月十九日
- 第九章 貪金受愚 正月二十一日
- 第十章 新孃墜輿 正月二十三日

頑童日記 目錄

- 第十一章 謔師惡劇 正月二十九日
- 第十二章 懲巫妙術 二月初三日
- 第十三章 輓友窘師 二月初五日
- 第十四章 瘟生活劇 二月十四日
- 第十五章 辱師妙策 二月十九日
- 第十六章 斷送風箏 二月二十四日
- 第十七章 計窘小販 二月二十九日
- 第十八章 巧難姊婿 三月初八日
- 第十九章 大鬧博場 三月十三日
- 第二十章 新奇戲法 三月二十日
- 第二十一章 智弄同學 三月二十二日
- 第二十二章 彼美獲友 三月二十八日

第二十三章	倩影遺愛	四月初六日
第二十四章	易容趣劇	四月初八日
第二十五章	偷兒受縛	四月十六日
第二十六章	失影致病	五月初四日
第二十七章	蓬萊遇美	五月十二日
第二十八章	代文誦師	五月二十三日
第二十九章	書室私訂	六月初二日
第三十章	賂警成眷	六月初八日

頑童日記 目錄



滑稽七大頑童日記

寒光小引

遊戲人間一少年著  
寒光潤文

已未春寒光橐筆滬上作文丐生涯貸一椽於滬西之某里所居室寬廣不  
及丈堪稱斗室孑然一身作於斯食於斯臥憩於斯亦覺恬然自適陳設雖  
簡陋特甚而時加整理尙不令人望而却步室凡三楹中係房主人所居著  
者居西偏之底而空其東一日有喬遷來者卽據而居之來者攜眷屬因并  
樓上所餘而貸也狀如家主者一人主婦一人女郎二人均荳蔻年華明媚  
皓齒作女學士裝童子二長者可十齡許幼者方在抱均美秀長者貌尤慧  
黠活潑可愛婢媪各一類中人家其主人何姓故居何許操何生業著者以  
滬俗鄰里每不通問未敢遽致殷勤且春池水縐底事干卿故以淡漠視之  
亦不欲加以考慮也旁晚適以赴友人召得大嚼薄醉歸來時已夜午投鑰

啟。臥。室。之。門。明。電。火。則。眼。簾。所。觸。驟。覺。頓。呈。異。象。疑。非。我。居。而。退。避。不。遑。矣。  
及。細。察。又。覺。無。誤。而。疑。駭。益。增。室。中。所。有。已。顛。倒。錯。亂。位。置。悉。更。陳。書。之。架。  
已。空。無。所。有。而。橫。置。於。臥。榻。之。前。被。褥。之。屬。則。捲。置。一。堆。實。以。所。有。書。卷。碩。  
大。無。朋。若。裹。以。巨。牛。禿。筆。瓦。硯。墨。藏。之。屬。以。及。印。章。之。匣。插。筆。之。筒。與。夫。計。  
時。之。鐘。蒔。花。之。瓶。均。臚。列。於。行。笈。之。上。而。疊。置。於。陳。書。之。架。若。冷。貨。之。灘。傍。  
壁。之。桌。已。斜。其。位。置。而。移。之。中。央。几。椅。之。屬。層。疊。其。上。供。以。痰。盂。蒔。以。著。者。  
晨。間。新。購。之。花。若。道。教。中。法。師。之。臺。苟。事。不。甘。已。者。見。之。必。且。發。噓。今。乃。我。  
居。是。誰。惡。作。劇。而。擾。亂。至。此。不。覺。怒。火。中。燒。實。欲。得。其。人。而。飽。以。老。拳。矣。初。  
擬。呼。房。主。人。起。一。加。探。詢。繼。思。既。非。被。盜。又。非。遭。竊。夜。已。過。午。何。必。深。夜。吵。  
攘。擾。人。清。夢。不。如。暫。忍。過。此。一。宵。再。作。計。議。或。者。朋。好。過。從。適。值。阿。儂。他。出。  
坐。待。不。至。茫。無。聊。賴。遂。弄。此。狡。詭。以。博。一。笑。亦。未。可。知。籌。思。至。此。不。覺。怒。氣。  
頓。消。酒。力。亦。驟。減。因。平。心。靜。氣。著。手。整。理。碌。碌。許。久。始。得。使。室。中。所。有。悉。復。

原。狀。於。是。解。衣。登。牀。將。覓。好。夢。然。勞。動。既。久。精。神。團。結。雖。覺。疲。乏。難。驟。入。夢。因。不。能。忘。情。於。頃。間。室。中。所。呈。之。異。象。頗。欲。加。以。研。究。果。係。阿。誰。之。狡。詭。演。此。離。奇。怪。誕。之。活。劇。顧。常。相。交。往。之。三。五。知。已。中。雖。不。乏。好。謔。之。輩。然。大。都。在。談。笑。之。間。未。必。弄。人。至。此。疑。張。度。李。終。覺。弗。類。思。維。再。四。確。定。無。從。神。智。俱。疲。不。期。已。酣。然。入。夢。一。覺。醒。來。則。日。影。滿。窗。時。且。來。朝。近。午。矣。推。枕。而。起。披。衣。下。牀。盥。漱。既。畢。出。臥。室。門。詢。房。主。人。以。昨。日。自。阿。儂。離。此。有。誰。見。訪。是。否。入。室。坐。待。至。於。久。久。則。彼。固。言。無。有。余。書。至。此。將。以。一。言。爲。閱。者。告。房。主。人。係。一。半。老。之。嫗。誠。實。可。靠。從。不。作。欺。人。語。著。者。經。歷。試。而。深。信。之。矣。今。言。無。有。則。阿。儂。之。疑。慮。益。增。室。門。之。鑰。舍。著。者。及。房。主。人。外。非。他。人。所。有。且。昨。宵。阿。儂。返。時。固。明。明。投。鑰。啟。門。也。且。房。主。人。終。年。鮮。他。去。時。生。人。至。此。豈。有。不。知。之。理。然。則。弄。此。狡。詭。者。豈。出。自。鬼。怪。耶。阿。儂。素。持。無。鬼。之。論。不。之。信。也。房。主。人。女。流。苟。告。以。室。中。異。象。者。必。且。駭。極。而。呼。或。因。之。而。多。出。一。番。驚。擾。

不。如。暫。隱。不。宣。以。觀。其。後。想。終。有。水。落。石。出。時。也。房。主。人。既。以。無。人。見。訪。相。告。亦。遂。默。然。歸。室。閉。門。靜。坐。搔。首。窮。思。冀。得。底。蘊。正。偶。然。神。往。之。際。忽。有。推。戶。而。入。者。則。一。活。潑。潑。地。之。童。子。也。如。曾。相。識。驟。難。記。憶。旋。卽。恍。然。有。悟。審。昨。日。遷。來。同。居。客。之。長。公。子。也。衣。西。式。之。水。手。衣。短。袴。長。襪。微。露。其。膝。戴。西。式。便。帽。足。登。革。履。余。以。其。活。潑。可。愛。將。起。立。以。招。之。入。渠。殊。知。禮。見。余。卽。下。其。帽。鞠。躬。而。前。余。卽。點。首。報。之。并。讓。以。坐。渠。搖。首。示。勿。欲。行。近。余。傍。余。膝。若。依。人。之。小。鳥。余。執。其。手。以。示。愛。護。并。詢。以。姓。氏。彼。初。不。以。告。余。還。以。姓。氏。相。叩。余。具。告。之。彼。則。探。其。短。袴。之。囊。出。一。片。紙。以。示。余。狀。類。名。片。實。則。非。是。蓋。取。材。於。洋。簿。之。紙。而。加。以。修。裁。者。此。杜。撰。之。名。片。署。其。名。曰。秦。奇。旁。註。細。字。一。行。曰。遊。戲。人。間。一。少。年。初。非。印。刷。格。比。簪。花。酷。類。閨。中。人。手。筆。且。以。髻。齡。之。童。而。有。此。新。奇。之。雅。字。能。毋。令。人。駭。異。遂。詢。所。以。渠。則。啟。其。小。吻。作。答。詞。曰。余。生。性。好。弄。先。生。豈。未。之。知。耶。余。本。以。奇。名。我。父。以。余。好。弄。故。乃。以。

頑童呼之。余則以其適合。余之情性。遂喜以爲號。我二姊以爲太俗。因改爲遊戲人間一少年。特字數太多。頗覺纍墜。先生以爲然。否。余笑謂之曰。佳者。此名真慧心人之所命也。渠又張其小口。謂余曰。然則先生與我二姊有同情者。亦欲識其人否。余爲之赧然。急以他語亂之。移時。渠又呈其笑臉。詢余曰。先生真不知余性好弄。異常兒耶。苟其知之者。或且怒余。然我固知先生爲溫厚無比之長者。與我家二姊等。而不如我大姊之嚴厲怖人也。當不以余之好弄而生其嗔怒。余急以溫語慰之。曰。惟子言我實不知子爲一好弄之童子。然天性活潑。好弄亦大佳。殊不足爲病。余深願引汝爲小友。決不因是而生其嗔怒。願勿以是介介。渠又笑曰。佳者。先生。余於昨日隨阿父阿母及我二姊弱弟等入此間時。一遇先生。卽知先生爲世間第一和易近人之君子。蓋我於先生之兩道目光中得之也。人之和善與否。以其目光辨之。百無一失。先生以爲然。否。著者於此實深佩其天性之靈妙。因急應之曰。誠如。

子言以髻齡之年而有此智能。有此妙解。苟非天賦過人。焉得有此真奇童也。以奇名宜矣。渠聞余語。益喜甚。續曰。以我所知。先生非特和易近人。世罕其匹。且涵養功夫之深。與忍耐力之強。亦非尋常人所可及。苟其不然。則昨宵午夜歸來。室中都呈怪象。而何竟坦然處之也。至此。余頗訝其先知反瞠目。不能置一辭。渠更笑續其詞曰。先生誠長厚哉。豈猶未明斯事之底蘊耶。昨日之下午。我以新遷此間。人地均疏。苦無同伴。共相嬉戲。性既好動。不耐久坐。我二姊又以佈置粧閣忙碌。特甚。更無暇爲我伴。遂擬造先生之居。以尋特樂。又值先生外出。以閉門羹相餉。更覺悶損。異想天開。頗欲一覩室內之佈置。以爲晚間與我二姊之談助。私計東西兩室之形式相同。窗戶相同。鑰孔之高下巨細亦既相同。則我居之鑰當可以之啟。先生之門。因乘阿母不備。私取其鑰。背人試啟。先生之門果卽拓然而闢。躡足以入。隨闔其門。見室中陳設井井。類雅人居。不覺頑興勃發。遂一一加以倒亂。使位置悉易。頓

成怪象。佈置既訖。亦復爲之捧腹。以爲雖和善如先生。見之亦必大發雷霆。而欲得其人以甘心也。焉知有大謬不然者。非特處以坦然。卽於房主之前。亦竟一未齒及。忍耐力之強度。可謂超越尋常。令人欽佩無已矣。先生恕余。以此爲進見之禮。較之脫帽鞠躬。果何如哉。今晨早起。倩我二姊書此小名片。以作再來之客。先生幸恕其狂悖。至是余頗心非其無禮。然又嘆其設想之奇突。措詞之佳妙。狀態之婉戀。在在足以動人。使不忍加以拂逆。且余素性喜與童騃相嬉。喜以爲笑。樂囊居家內子姪輩。每喜暱余。卽稍有出乎軌外之動作。亦不加以斥責。一以放任處之。蓋天真爛漫。活潑潑地之孩童。大足助人興味。殊不宜加以遏抑。使之木然無生氣也。以故著者於此。仍藹其容色。溫語慰之。曰。此何如事。而值得大驚小怪。以駭人聽聞。且房主係女流之輩。苟知之而不明底蘊者。必且疑鬼疑神。驚惶失措。而寢食不安矣。故余之於此。雖未能愜然置之。雅不欲過事張皇。致多未便。惟擬從緩探察。以釋。



疑團今者真相既明疑團悉釋以子敏妙之腦筋靈活之手腕以演此趣劇大足耐人尋味以資笑樂且余以此而得一才智過人之小友慰我寂寥方歡喜之不暇更何必再生懊惱以絕我客中之良伴余誠多暇子不妨時過我居以尋頑笑余決不生嗔也斯時渠更喜甚以其小手緊握余腕以示親暱狀之動人殆難言喻迨其慈母呼飯始舍予而去自是渠苟遊倦輒來就余日且數數余亦雅願擱筆以逗其笑樂客中得此良伴無復孤單寂寞之苦矣相既稔久漸得識其家人其父及母均慈祥愷惻長厚有古風其二姊梅英女史尤溫婉絕倫堪稱淑女家庭間蓬勃有生氣令人艷美奇漸審余爲小說界中人好弄文墨常勦余命題作短文余勉應之文就示余雖未能悉洽人意然立意造句間多奇妙之處筆亦清順流利絕少枝蔓稍加潤飾亦復斐然可觀時或就其情性爲加入一二巧妙之句渠亦自能指出玩誦無已是以益增我愛一日以其去年自撰之日記示余披閱數頁諸凡所記



述類多嬉笑弄人之事新奇有味閱之大可發矇堪爲怡情悅性之助愛不忍釋奇默覘余意卽以言贈并言渠果尙有副冊在余遂勿却置之案頭暇輒翻閱以爲樂事久欲略加刪改付梓成書以供同好緣委件過多未暇及此遂以擱止茲以友人有滑稽小說之徵集索稿於余因求得奇之同意擇其尤饒興味足以引人胡盧者編次成書恐失真相未敢多加增損以頑童日記名亦所以存其真也俗不傷雅亦閱者所許乎奇亦有言附之簡端

### 秦奇小引

奇賦姓不馴頑劣特甚興之所至每多無意識之舉動然亦雅好筆墨略識之無卽戲於燈下作日記無稍間斷去年春隨家君遷寓滬濱同居有小說家寒光先生不以奇之頑劣見棄引爲忘年交奇受寵若驚以師禮事之先生以愛奇過甚致欲以奇之日記印行童駭之見無行之舉適足遺譏大雅爲出版界羞奇又焉敢而寒光先生之言曰此特供閱者諸君茶餘酒後之

一笑耳。又何足病。奇復奚辭。惟祈閱者加以寬恕。弗加痛詈。幸甚。秦奇書於海上寄廬時在庚申之花朝。

第一章 爆竹彈髻 正月初一日

今日爲元旦。余十歲之第一日也。早起衣新衣。循例向阿父阿母賀年。跪拜頗覺煩厭。然因之而得滿袋之金錢。亦殊值得。早餐畢。我母及大姊均戒余曰。今日爲一年之第一日。宜守分一天。更弗外出。余口應而心非之。乘間取爆竹一包。及着火之細香。一私出大門。擬與鄰家同伴燃放爆竹。作戰鬥狀。以消此永晝。既抵街上。覺甚靜寂。蓋家家閉戶。卽店肆亦然。此種習慣。余意最爲可恨。一年之第一日。在理當極熱鬧。則地方上方現朝氣。今者滿目蕭條。現此暮氣。實非地方之福。我蘇如是。未識他處亦如是。否苟其然者。則無怪我國家之衰弱不振矣。爲之恨恨者久之。旋覓得東鄰喜兒及後鄰福弟。三官等於轉糖灘上灘之主人。爲一江北婦。坐小橈。深藍色之衣服。還覺干

淨鞋上之花紅得厭人。白銀之耳圈大幾等於尋常之臂鐲。以爲美觀。我不信也。金黃之髮盤作燒餅形。貫以白銀之簪。闊如朝板。更足令人作三日嘔。生意大佳。圍而觀者可十數人。余忽心有所觸。急探懷出爆竹一串。躡足至。婦後搖手示衆。囑勿聲。以爆竹輕懸之。婦髻之簪以著火之。香引火其上。卽棄我。細香移身於其前。婦初不覺。迨爆竹作聲。急欲灑脫。然已無及。灼其飛蓬之黃髮。聚而觀者均余之鄰近。而識余者。旣不指余。以示婦。亦未以目視。余惟各捧腹大笑。余則和之。婦故莫之能知也。惟作申申詈語。多惡毒。余恨甚。更思有以苦之也。私授計於福弟。以長綫作環形。而套於江北婦髮髻之上。引而遠之。入最近轉折之巷內。用力一拉。而婦之髻立散。簪亦下墮。髮垂於背。作螺螄形狀。至可笑。衆又爲之哄然。至是婦已憤甚。拾其簪披髮。追入某巷。而福弟已遠遁矣。終無如何也。

第二章 巧改門對 正月初二日

今日以昨宵入睡過早天明卽轉側弗能成寐穿衣起拖婢女菊香下牀至樓下侍余洗臉早膳畢出門見喜兒福弟等已在巷中滾錢爲戲招之至街上店肆依然閉戶一如昨狀行人稀少冷靜異常大紅色之門對著以擘窠大字一望皆是一家門首曰生意如春意財源如水源余擬以泥塊作書爲下批語喜兒出白粉筆授余卽以之書其下曰門也關起來了生意財源定必不妙某姓叔嫂同居醜聲已屢入余耳其春聯語曰爲善最樂讀書更佳余以粉筆改其詞云作惡無礙偷情最佳并註其旁曰明年可用一紅錦被中無限恩情呼嫂嫂黃泉路上有何面目見哥哥一聯較爲切當蓋其嫂實孀雌也某氏老者無行鄰里有扒灰之笑史其聯曰三星在戶五世其昌余改其詞曰父子共眷翁媳同牀并註其下曰三星已遠避恐五世亦仍是一世（閱者於此亦嫌其謔而虐否當頭之棒果不能寬假於此輩人頭而畜鳴者也）寒光註

第三章 戲謔張警 正月初四日

今日家中備年酒宴客戚串蒞止親朋戚集熱鬧異常午膳後邀舅家表弟秋聲遊觀街市至某巷冷僻特甚一家門首掛着一塊張鐵嘴命課館的布幌子屋內坐個盲者年可三十餘歲着的破舊衣裳翻着白眼轉個不停不知他想些怎麼來我就心中想定主意與他鬧個頑笑就踱到裏邊叫了時辰請他起課他以為生意來了裝出苦笑的样子嘴裏請我們坐其實連橈也沒有一面却掄動着幾個指頭做出占卜的样子便開口問我此課何用我就對他說前天家裏新育一隻小狗眼睛還不曾開再過幾天可開秋弟忍俊不禁失聲而笑瞎子知己受欺乃破口罵隨起將捉余襟余急攜秋弟手飛奔而逃回顧瞎子為戶限絆顛矣然余頗恨其詈人更將有以苦之也

第四章 鷄翔天空 正月初八日

今日飯後出覓三官福弟等不得獨自一人頗覺乏興在圓桌之抽屜內得

大。爆。竹。一。枚。頗。思。得。一。特。別。之。放。法。以。爲。樂。事。搜。索。枯。腸。終。乏。妙。計。頗。以。智。竭。自。恨。步。院。中。往。復。數。十。次。搔。首。無。已。忽。見。一。巨。大。之。雄。雞。方。昂。首。而。啼。若。示。余。以。可。用。不。禁。憬。然。悟。驟。得。一。燃。放。爆。竹。之。妙。法。卽。以。米。食。雞。乘。其。食。時。自。後。捕。之。以。麻。製。之。線。扣。住。爆。竹。而。緊。縛。於。雞。尾。之。上。熬。其。藥。線。縱。之。令。去。少。頃。爆。竹。聲。響。雞。驚。極。而。飛。益。以。爆。竹。上。升。之。力。高。度。乃。達。三。層。樓。之。上。及。其。下。也。止。於。鄰。家。廳。樓。之。頂。鄰。居。以。爲。弗。祥。遂。起。擾。攘。阿。父。阿。母。親。往。道。歉。將。雞。宰。割。始。得。了。事。歸。且。加。我。以。訓。責。大。姊。至。欲。撻。余。經。二。姊。勸。止。始。獲。無。事。余。心。頗。不。服。以。雞。亦。禽。類。飛。至。屋。上。事。亦。尋。常。何。不。詳。之。有。何。迷。信。之。深。耶。以。惱。於。大。姊。之。威。力。未。敢。置。辯。蓋。我。大。姊。爲。人。嚴。厲。如。魔。王。於。余。動。止。時。加。限。制。稍。有。未。當。責。言。隨。至。不。稍。寬。假。甚。於。阿。父。阿。母。萬。萬。也。幸。三。月。中。將。出。閣。去。我。之。期。近。矣。然。以。余。天。性。好。弄。雖。嚴。厲。如。大。姊。有。時。亦。放。膽。而。加。以。嘲。弄。也。

第五章

題影嘲姊

正月初十日

今日午後與福弟喜兒三官等在巷內爲捉迷藏之戲。旁晚始罷。以跳躍過久。晚餐後卽有倦意。父母及二姊坐燈下談家常。聽之亦復無味。思所以自遣者。大姊捧小狸奴坐燈側。影射於壁。狀至生動。余喜以紅粉筆鈎之。成一絕妙之寫生畫。而於其唇間分出兩綫。作言語狀。更書其間曰：我的乖乖。註其旁曰：預備明年抱小兒書。已大笑。初大姊方與阿父等作絮絮語於余。之作畫。乃未留意。比聞余笑聲。始回顧。見壁上畫。初不惱。怒及審所書。乃作嬌嗔。且爲之赧甚。切齒謂阿父曰：弟頑劣至此。不撻何待。阿父笑。母及二姊亦笑。大姊益赧。怒益甚。將捉余而撻之。余急匿。二姊後。二姊果爲翼護。余膽頓壯。遽曰：姊盍息怒。容阿弟一言。姊非將於三月中嫁耶。嫁則終且爲人母。而享弄兒之樂。然則阿弟此圖。不啻爲姊預祝。在理。姊宜答我以謝辭。禮上往來。固宜如是。姊乃反其道而行之。實有負於弟矣。使弟不曰明年。而曰今年。



者則姊之嗔怒宜矣。斯言既發，阿父及母復大笑。二姊更笑不可仰，以目示意於余，囑勿再聲。余乃默。大姊既捉余，不得復經此調侃，羞慚幾至無地。遂獨上樓頭而去。余以二姊勸，隨向樓頭。至大姊前，服禮。此事遂得以一笑罷。實則姊弟之間，以此相嘲弄，亦未可謂謔而虐也。

第六章 妙箸張馨 正月十三日

今日早餐後，僕婦林媽爲余言：西隣洪媽有女，未字，將爲伊子論婚。以余常往街頭遊玩，故求爲留意。苟有命理先生過者，託我招入，以便合婚。余笑應之。下午散步巷口，適張鐵嘴持明杖，鳴銅鏡，叮嚀過。余呼止之，告所以。渠乃求余道，引余卽拉其明杖，若牽牛然，牽之進巷。頓憶初四日下午事，以其詈余也。將卽次，以圖報復。適巷中有水窪，初不甚大。余俟其足未及至而告之。渠提其右足，詢過未。余先作跳躍過窪狀，曰：窪闊甚，猶未足。試再伸汝腿。渠應之，復詢余，仍以未足過此對。如是再四，渠乞引避。他行，余則以無他道對。



渠以腿久提而酸不復耐遽下其足適及窪處布鞋既濕并濺及衣之下端  
余掩口笑急引之前渠亦弗覺余之弄之也及門戶限初不甚高而余以高  
甚告使重勞其腿以苦之既入卽無戶限而亦以戶限告使常作跳躍上續  
續無已渠始大疑以右足摸索始知余謊因不復從余言及真遇戶限告之  
亦不我信趾觸其上痛而呼嘖嘖無已然弗敢詈余矣其詈於心歟渠經此  
一觸乃復從余言余亦暫不復謊既達外廳左右几椅相間陳列兩旁余引  
之達左列曰橋來矣渠發疑問謂府中何以有橋余謂之曰大家巨室不同  
小戶安得無橋渠爲之贊嘆舉足登椅由椅而几而下汗珠如雨喘氣若牛  
艱苦之狀令人發噓既引之左復引之右迨其登几余卽釋手而去其兩旁  
之椅退之屋隅以覘其將作何狀渠口呼余而以杖摸索几之四周余遙謂  
之曰橋斷矣既上而莫能下矣尙憶初四之日有求課而受子之詈者否渠  
合十求恕余惟暗笑默不作聲移時渠以足力既疲搖搖欲墜乃作狂嗥林

媽。聞。聲。出。視。始。引。之。下。林。媽。畏。余。不。敢。以。之。告。我。阿。父。阿。母。及。大。姊。也。上。燈。後。私。告。二。姊。以。爲。談。助。二。姊。惟。加。婉。勸。余。漫。應。之。

第七章 扮鬼驚父 正月十五日

今日元宵佳節。晚餐肴饌甚豐。更得葡萄美酒。堂中電火之外。益以各色紗燈。美麗悅目。晚餐既罷。林媽伴阿弟睡樓上。阿父阿母及兩姊在堂中擲狀元紅。余爲二姊需出納。二姊運佳。戰輒利。桌上積錢纍纍。余初顧而樂之。旋靜極思動。入廚下。覓婢女菊香。將爇之作迷藏戲。而菊香方饑。睡於灶前竹製之椅上。以手支頤。架於廚桌之面。已沈沈睡去。酣聲作矣。余驟得妙法。取釜底之灰。陳之以紙。至其面前。輕吹之。使飛於其兩頰之上。頓成黑面之怪人。如戲檯上之包公。然更拔得雞毛。帚上之雞毛十數。悉爲插之髮際。使一。一。上。翅。以。一。裹。柴。之。篋。圈。爲。之。輕。圍。頸。際。厥。狀。大。足。矇。人。於。是。滅。室。中。燈。以。吹。火。之。竹。筒。就。其。所。坐。之。椅。下。敲。之。韃。韃。作。聲。菊。香。自。夢。中。驚。醒。見。身。處。暗。

室復聞怪聲怖極而號奔至堂上欲以廚下怪象告之父等而語初不能成聲阿父及阿母二姊驟見此狀貌怖人之怪物自內竄出亦復驚惶失措指爲鬼怪幾致駭極而逃惟大姊仍極鎮定指爲菊香并謂此又必奇弟之惡作劇也余卽笑呼而出阿父等亦視菊香捧腹不已菊香猶不自知也繼覺胸前有異以手去篋圈見手上已呈黑色（蓋驚醒時曾舉手拭目也）始知尙有異狀足以引人發矇者在也就衣鏡前自照亦竟笑不可仰卽逃往廚下洗滌去大姊於此復嘖叨不休余雖口不敢較而心實恨之

## 第八章

### 私窺情書

正月十九日

今日爲校中開學之期清晨入校行開學之禮並不上課故禮畢卽歸飯後以天雨難以出門對門趙家蓉姊過我家與我母及兩姊以抹牌爲消遣阿父則已往滬上肆中去獨自一人悶坐書房頗覺煩厭直上樓頭擬在大姊房中覓一玩品以消永晝東尋西覓苦不可得蓋除脂粉釵鈿之外初無玩

品。也。不。覺。厭。倦。思。眠。以。大。姊。之。被。褥。較。爲。華。美。且。香。味。撲。鼻。頗。欲。借。宿。片。時。即。大。姊。知。之。當。亦。弗。加。深。責。也。解。履。登。牀。首。甫。着。枕。驟。覺。有。異。蓋。鴨。絨。之。枕。不。當。堅。硬。異。常。也。翻。身。視。之。知。枕。底。有。物。隆。然。而。起。叩。之。有。聲。爲。之。稱。奇。不止。急。探。手。入。得。一。長。方。之。匣。黑。色。木。質。面。有。花。紋。塗。以。金。色。長。不。及。尺。而。寬。半。之。高。又。半。之。精。美。異。常。我。所。未。見。私。計。中。或。貯。有。精。美。果。餌。擬。偷。食。少。許。以。惠。口。腹。而。匣。固。鎖。閉。苦。不。得。啟。摸。索。牀。頭。冀。得。其。鑰。久。久。無。着。旋。得。之。於。枕。函。之。內。啟。視。匣。中。初。非。果。餌。銀。錢。之。外。益。以。潔。白。無。比。之。西。紙。包。三。個。一。則。貯。以。紙。幣。若。干。初。無。少。異。及。啟。視。第。二。紙。裹。而。妙。趣。生。矣。其。中。所。貯。爲。函。件。數。十。有。二。一。一。啟。視。均。出。自。未。來。之。姊。夫。手。筆。發。書。時。日。都。在。與。大。姊。訂。婚。後。語。多。涉。於。戀。愛。及。美。滿。其。最。可。令。人。發。笑。而。令。我。牢。記。不。忘。者。爲。「我。之。甜。心。我。之。至。寶。我。之。第。二。生。命。及。安。琪。兒。洛。水。神。妹」等。種。種。佳。妙。之。名。詞。蓋。所。以。譽。我。大。姊。者。也。其。他。似。「願。以。至。純。潔。之。情。愛。悉。力。灌。注。與。我。愛。

之。心。坎。！。玉。鏡。臺。前。佇。眼。波。至。於。白。首。！。花。常。好。月。常。圓。！。等。之。詞。句。亦  
復。好。看。煞。人。且。書。末。必。有。距。婚。期。尙。有。幾。日。之。詞。若。急。不。及。待。者。然。我。大。姊  
之。未。婚。夫。婿。真。多。情。人。也。不。禁。爲。之。慶。得。其。所。夫。更。拆。第。三。包。視。之。則。絲。帕  
兩。方。各。以。一。端。相。連。綴。挽。作。同。心。之。結。一。作。純。白。色。中。央。有。橢。圓。形。之。小。影。  
作。藍。蔚。色。我。未。來。姊。夫。之。化。身。也。據。書。桌。坐。安。樂。椅。上。方。握。管。作。書。眉。宇。間  
呈。愉。快。之。象。其。將。寓。書。於。我。大。姊。耶。其。一。爲。淡。紅。色。如。桃。花。之。瓣。中。央。亦。一  
小。影。作。淺。綠。色。之。新。月。形。我。大。姊。之。化。身。也。倚。欄。小。立。拈。花。微。笑。神。態。欲。活。  
翻。閱。既。竟。爲。一。一。包。好。攜。之。下。牀。就。書。桌。上。取。鋼。筆。蘸。紅。藥。水。作。字。於。函。件  
之。包。面。曰。語。語。肉。麻。的。是。急。色。兒。口。吻。局。外。人。見。之。阿。要。難。爲。情。以。儂。處。此  
當。付。一。炬。馳。書。絕。交。決。不。什。襲。以。藏。也。更。作。字。於。絲。帕。之。包。面。曰。男。無。子。都  
之。美。女。乏。西。子。之。姿。兩。方。絲。帕。毫。無。保。存。之。價。值。儂。意。不。如。飽。以。墨。汁。毋。使  
留。此。醜。影。於。人。間。反。覺。干。淨。并。註。其。旁。曰。阿。儂。此。舉。亦。復。自。知。不。情。特。以。平。

日。姊。之。見。待。手。段。忒。煞。很。辣。以。此。爲。報。尙。屬。平。允。苟。我。姊。於。此。仍。不。稍。加。寬。貸。則。儂。於。各。書。已。經。三。復。熟。識。能。詳。將。背。誦。於。人。前。矣。書。已。一。併。歸。之。匣。中。還。置。原。處。欣。然。下。樓。少。頃。我。大。姊。抹。牌。已。畢。上。得。樓。來。納。錢。匣。內。見。包。面。所。書。固。已。知。爲。出。自。阿。儂。狡。詭。卽。呼。命。上。樓。余。以。旣。攫。其。怒。雖。未。免。中。心。忒。忒。然。亦。有。所。挾。制。故。不。過。事。驚。惶。旣。而。我。大。姊。不。得。不。先。以。知。過。自。陳。渠。亦。以。余。之。旣。悉。其。祕。密。不。復。加。以。深。責。惟。以。緘。口。囑。余。余。笑。應。之。頗。以。得。勝。利。於。我。嚴。厲。之。大。姊。自。慶。

第九章 貪金受愚 正月二十一日

今晨到校爲時過早。先生均尙未至。去上課可二小時。同學到者亦僅七八人。福弟與也同在休息室中。有陸姓名長林者。性愚鈍。冠儕輩。我人加以戲。兒之徽號。全校無不知者。余與福弟商思有以戲之也。因謂之曰。我人於新年中學得魔術多套。均饒興趣。其尤佳者爲以兩碗之水。加以咒語。立變滿。

碗之金錢渠果稱異。不置請試之。福弟卽入廚下取得大磁碗二。盛以清水。殆滿。囑長林伸兩手入室中方桌之檔中。而自卓面之下。授以滿貯清水之兩磁碗。囑牢持之。毋使稍溢。致敗我術。長林奉命。惟謹。檔固木製作。方形。大僅容手。今手入檔中。而持以巨碗之水。且兩手均然。難以自爲授受。苟非他人。予以助力。則舍棄置其所持之一碗外。手莫能出矣。然卓面離地高。棄置則碗且碎。而水亦濺及其身。以故長林至此。如受桎梏。已失自由。惟求我人速咒。余戒之勿聲。更以粉筆塗其面。使先作白色。益以紅眉綠鼻。額上作墨色之太極圖。時同學先後來者。已達二十人。見之莫不大笑。長林雖欲抵拒。而不得也。始而狂呼。繼以哭泣。淚下帶粉色。滴衣上。而白色之頰。增以淚痕。爲狀愈醜。衆笑不可抑。復從而嘲弄之。謂尙欲得金錢。未正擾攘。間而闔王票子。張先生至。衆爲之寂然。長林駭極。釋手碗墮地。碎水四濺。并及衣履。衆不復能忍。又笑。張先生見狀。怒甚。查主謀。余及福弟均罰面壁立一小時。償



碗。值。事。後。余。頗。悔。未。派。偵。者。於。門。不。然。或。不。致。爲。張。先。生。知。也。

第十章 新娘墜輿 正月廿三日

晚膳後。瞞家人。私出。邀喜兒。福弟。在街中。游玩。旋相計議。於我家東百武。而遙兩巷相對處。地無市肆。較爲僻靜。時當日暗。路燈之光。及此亦已模糊。擬就此以長繩絆途人爲戲。由喜兒歸取長繩。一余與福弟匿南巷中。喜兒匿北巷中。各堅持繩之一端。使離地尺許。以絆來者。及其人既顛。則喜兒釋繩。逃而余與福弟亦拖繩遠遁。佈置既訖。適有肩筍輿以過者。前行者足爲繩絆。俯而仆。後者隨之。輿亦倒地。彼端之喜兒已釋繩。余急偕福弟曳繩而遁。稍遠。藏繩暗轍。與福弟繞道之巷前。則喜兒已先在相視。暗笑。輿以受過甚之震動而毀。兩輿夫均傷其膝。血外溢。乘輿者爲一新嫁娘。聞係嫁後甫三日。歸寧而回。夫家者也。以自輿中顛出。故致釵失。鈿落。隨侍之女媼。初亦以輿隨。至此已出輿。扶花團錦簇。驚魂未定之新嫁娘。登已輿中。而輿輿夫蹲。



踞。地。上。覓。新。娘。之。釵。鈿。也。時。觀。者。如。睹。爭。言。趣。事。而。不。知。我。等。三。人。有。以。致。之。也。

第十一章

謔師惡劇

正月廿九日

校中三先生中以張先生最爲嚴厲終年不見其笑容我儕稍有不規則之舉動苟爲所覺罰責隨之無稍寬恕余與福弟最好頑弄故受罰又多恨之亦甚呼之曰閻王票子昨宵與福弟計議得一報復之法故黎明卽起盥漱方畢福弟已來叩門啓之令入早餐後攜書包相偕到校爲時旣早先生同學均無先至者校役樸生亦適他出喜甚隨覓得洋磁之面盆滿盛以水將教員室之門半掩半啓而以盛水之面盆置之門之上端門內啟是以自外入者不知有異也苟推門而入則盆必自上下墮而擊其頭水亦貫注其身而作落湯之鷄矣此蓋昨宵我二人預籌之妙計所以報復張先生者也三先生中張起獨早到校亦最先我人已歷試不爽此計之售當可操券我

人。佈。置。既。妥。仍。攜。書。包。歡。躍。出。門。擬。在。校。之。左。近。游。戲。片。時。俟。張。先。生。至。而。後。隨。之。再。到。校。中。則。雖。以。張。之。嚴。明。於。門。上。之。面。盆。必。不。致。疑。於。我。二。人。矣。焉。知。事。有。大。謬。不。然。者。在。也。余。及。福。弟。守。候。街。中。遲。之。久。久。而。張。終。不。至。而。素。性。和。易。我。人。以。菩。薩。稱。之。之。林。先。生。已。先。張。而。至。矣。我。二。人。見。之。中。心。頗。覺。不。舒。而。又。未。敢。實。告。惟。有。致。其。敬。禮。隨。之。到。校。及。其。推。教。員。室。之。門。而。入。則。盆。果。下。墮。菩。薩。變。成。雨。淋。羅。漢。且。受。當。頭。之。擊。魔。王。作。惡。菩。薩。受。苦。天。實。爲。之。夫。復。何。言。事。後。三。先。生。曾。加。嚴。究。雖。疑。及。多。人。而。事。無。左。證。終。成。懸。案。

第十一章 懲巫妙術 二月初三日

今日星期我不往校中去。晨起早餐後福弟來家中就余撲球。移時旋出外游玩。道經某巷小術急欲小遺。因就一家牆下溲溺。既畢福弟以手指牆上笑不可抑。余隨其所指視之。則黑色之牆上着有黃泥所書之字。曰在此小便者。是五官。余笑謂福弟曰。余上有一兄三姊。下有一弟。兄及第三姊均不。

育行次固屬五官尊稱也。君何笑之。有須知個中人。有先知之明也。因擇一泥塊更添字。其下曰。住在裡面者爲烏龜。此誠烏龜之洞府。不獨五官可以在此。小便人人可以在此。小便也。書已與福弟大笑出街。經某街途遇同學。洪寶生手攜餅餌之裹。渠言將以餽之舅家也。余及福弟素稔寶生母爲一女巫。自謂有大仙附身。能知陰世事。爲人禳解祈福及愈人疾病等等。愚民信之。遂藉以歛錢生涯。乃頗不惡。至此思有以戲之也。因共籌得妙策。寶生家離我人游玩處不半里。而遙相將奔而往。及門已汗流被面。更作惶急之狀。覓寶生之母而告之曰。汝家寶生頃攜一小裹。行至某街與某姓兒爭道。而鬥扭作一團。被某兒迫入某巷中。用力一推。頭觸於牆角。血湧出如泉。面白如紙。暈矣。血猶未止也。人皆以爲莫救。盍速往視之。寶生之母聞語戰慄。無人色。身亦搖搖欲墜。急扶卓坐。淚承於睫而泣不成聲矣。余等慰之曰。若有大仙附身仙法。無邊能生死人而肉白骨。若盍乞靈於大仙。以救若子。以

我人思之。寶生得大仙護佑。必可不死。哭何爲哉。渠聞語。頻搖其首而哭。聲益縱。我人竊笑不已。更以語嘲之。曰。豈大仙詔汝。寶生命已當絕。而莫可挽救耶。然則哭又奚益。渠仍搖首勿答。欲強起而戰慄。不能自主。困苦之狀。有難以言語形容者。我人至此。已忍俊不禁。捧腹而笑。渠始覺有異。瞪目以視我人。若盼望我人之示以好音者。然福弟笑謂之曰。七十老娘倒繡孩矣。汝子寶生果安然往舅家去也。昨日之夕。豈大仙詔汝。以明晨某時將有兩小孩至。謊言汝子死耶。汝其休矣。妖言惑衆。欺人斂錢。大仙果何在也。今者以欺人者而受人之欺矣。奈何弗察。可知紙糊老虎。終有戮穿之日也。渠聞語。急收其淚。而赤若塗朱。慚汗淋淋。無以自容。我人匆以斯事宜之於外。以保持其飯碗。我人志在頑弄。遂笑應之。時已近午。乃相率歸飯。

第十二章 輓友詢師 二月初五日

同學金君靜軒。以喉症。殤今日出殯。昨晚登牀。思撰聯以輓之。苦思久久。

未得佳句。時至夜半。始勉成一聯。曰：從此不能見面。想來真個傷心。雖自知未臻佳妙。而自出心裁。固屬阿儂口吻。以我幼年。出此或不致受人譏笑也。今日早起。即請阿母飭林媽入市。購得白竹布兩尺。裁之爲二。攜之到校。磨得墨濃。蘸得筆飽。即以昨宵枕上所得一聯書之。其上既訖。甫擲筆。而張先生至。見之。鄭重言曰：此兩語太屬含混。不論輓何人。均可移用。宜加更易。余率爾應之曰：否。語太含混。誠如師言。若謂無論何人。均可移用。則生意殊未盡然。譬之死者爲師母之姊或妹。則先生亦將以此輓之耶。其可乎。同學聞之。者咸爲之哄然。張怒目視余。斥爲無禮。將治余罪。師長罪余。以語前曾冠以譬之二字。則不能謂爲庸突。侃侃辯適。著薩林先生至。從中相解勸。張加余以寬恕。張始恨恨然去。林先生素愛余。余亦每爲緩頰。余感之甚。以故余常祝其健康也。

## 第十四章

### 癩生活劇

二月十四日

連日苦雨難往街市中游玩令人悶損今日新晴爲之歡然下午課畢歸家  
 畧進點膳卽出門往街頭去遇福弟邀之偕往玄廟觀中旣抵則游人擁擠  
 熱鬧異常有賣解女子就廣場中獻藝環而觀者如堵牆中有二人肩垂豚  
 尾似自鄉間來者蝨衆中目注賣解女子不稍瞬眈其兩眼睛時作苦笑唇吻  
 翕張饑涎欲滴狀殊令人生厭余思有以苦之也擠身以入乘間結其兩人  
 之辮俾其行動時得相牽掣兩不自由而陳怪象當余動作之際衆方注其  
 心目於賣解之女子是以非特被余頑弄之兩鄉人未之覺卽旁觀之客亦  
 未之及見也手續旣完余乃自人叢中擠而出易其所立處以待兩鄉人之  
 移動其位置而睹活劇俟之久而目前乃未達余已不耐攔福弟與之偕  
 故於兩鄉人所立之外層用力擠入使衆作潮湧而波及於兩鄉人衆以我  
 儕爲年幼之童爭相讓影響遂及於兩鄉人髮際受拉力之震動而得痛楚  
 則破口而罵語侵後立之觀客因起爭競繼以武力相尙一場惡鬪水流落

花兩鄉人以衆寡不敵而負頭破血流頂際之髮亦被抓落多許我有以知渠明日之辯必不如今日之粗矣時場中之秩序既亂賣解之女子亦不復能續獻其藝結果既惡得錢乃尠余以我二人有以致之也因與福弟囊括所攜得銅元十數悉擲予之由無意中得飽看全武行之活劇事後思之猶覺快意兩鄉人歸去得勿恨及其辯而憤然剪去之乎

## 第十五章

### 辱師妙策

二月十九日

今日晨起到校與福弟三官喜兒四人在操場之西北隅曝日席地環坐笑談爲樂談及閻王票子（卽張先生）莫不切齒我人時爲責罰而無以爲報復心中頗覺不舒妙計屢施終不得當門頭之盆水（正月二十九日事）我人以爲最佳之妙法者亦被逃過而累及菩薩心腸之林先生可爲嘆息余乃倡議我四人中得有妙法以苦張而行之見效者奉以軍師之徽號衆各拍手贊成繼作俯首沉思狀蓋莫不運其慧心冀得妙策也默然者久



之福弟。忽不耐探手懷中。出橄欖。盈握。自食其一。且分餉衆人。余見橄欖。立有所悟。因謂衆曰。余計已得。雖不能必其成效。與否。亦可以姑試行之。衆以佈局爲問。余乃曰。我之計。係福弟所賜。卽取材於橄欖之上。張固短於目力。患近視者也。每逢上課點名時。必僂僂其身。俯伏桌上。若待割之。猶我人有乘上課前排班時。獨入課室。以橄欖之核。四墊置於教桌之脚下。則張於點名時。必且隨教桌而仆。蓋教桌之下。本有木座也。惟教桌之位置。務使逼近木座之外邊。卓之兩脚。半在木座之外。益以橄欖核之圓輪。一經推。輒傾覆。自矣。衆急拍掌贊成。喜色形於眉宇。若凱旋之軍。福弟益歡躍。欲狂奔。身而言曰。今晨我級第一時。非張之修身課耶。不妨卽此行之。佈局我自當之。可也。衆稱善。移時。聞上課鈴響。我人卽往排班。而福弟果不與也。旣入課堂。余首卽留意及教桌。覺福弟之佈置頗當。中心快甚。念及事後之追究。主謀則又惴惴矣。時張已挾一卷書入室。登教檯。我人起立致敬。畢。渠啓點名冊。



俯身。桌上。一如常時。正欲唱名。而身已隨桌倒仆。教桌與前列之課桌相碰。乃作巨響。張受震而胸部作痛。不能遽起。我人羣往扶之。余更乘間踢去櫬。櫬之核。使入木座之下。俾渠不疑有他也。張既爲我人扶起。見其額上墳起。大如胡桃。作紫紅色。喘息不已。驚魂猶未定也。事後渠或無疑點。或竟疑及我人。然事無佐證。亦無如何也。

### 第十六章

#### 斷送風箏

二月二十四日

今日爲星期假日。晨起早膳後。出與三官等就曠地上。以放風箏爲消遣。兒陸長林與焉。渠之風箏作蝴蝶形。製既精絕。色復美麗。奪目蕩漾。天空令人豔羨。我人所有不之及也。因羨生妬。遂與喜兒等謀。思有以中傷之。因倡議購炮竹多串。懸風箏之線上。而放之。以爲笑樂。長林不知我儕之用意。亦復欣然。從命。我人購得爆竹後。將風箏之線收轉。如干丈。取爆竹一串。一端附以一端。着火之長紙捲。另以一線結其一端。而綴於風箏之上。線之長度。

使爆竹燃着時不至灼及風箏之線手續既畢縱其所收轉之線俟紙捲燃及爆竹則作聲於空中矣我人於長林之前假作殷勤代爲附爆竹於風箏線之上而故短其連續之線使爆竹燃時風箏之線得以受灼而斷長林既愚且戇不之知也迨夫爆竹聲響風箏線斷而美麗之蝴蝶已舍長林遠去矣長林至此乃掩面而哭我人則匿笑不已

第十七章

計窘小販

二月廿九日

下午課畢歸家畧啖餅餌卽出門與三官喜兒等就巷中作蹴球之戲有餛飩擔及熟腐乾擔啣尾止於巷口余授計於三官囑其用一短繩乘兩小販他顧時施其敏捷之手腕連絡於兩擔之下端移時賣腐乾者肩擔以行餛飩之擔爲所牽動而倒滿鍋之沸湯幾盡灌注於賣餛飩者之身幸避而免擔中之鍋碗壺瓶悉墮地碎乒乓作聲至爲清脆釜底之薪火受沸湯之灌注而熄熱氣蒸騰如下重霧餛飩擔之販夫索償於賣腐乾者而賣腐乾者

不任其咎。不應賠償。爭論久久。幾至用武。賣餛飩者已急極而哭。我人復從而羞之。渠哭益哀。時余之姨母以大姊將嫁。而攜其婢女瑞英來送禮。頃將返。余母送之巷口。睹狀詢得所以。與姨母各出銀圓一枚給賣餛飩者。始收涕。收拾去。慈悲哉。余母及姨母也。豈預知斯事爲余所作之孽者耶。

第十八章 巧難姊婿

三月初八日

今日爲我大姊于歸之日。晨起衣西式之新衣。着新購之革履。下樓早餐後。親朋大集家中。之熱鬧爲以前所未有。遍覓大姊不得。旋往樓上。得之於渠之臥室中。衣美麗之服。圍珠繞翠。驟見之。幾難辨識。端坐榻上。狀至肅穆。舅母家之霞姊、黛姊以及姨母家之淑姊、倩妹等均列坐榻前。互相談話。嚶嚶如鳥鳴。余趨至榻前。倚大姊之膝而詢之。曰：姊端坐學作新嫁娘耶。姊微赧不語。余更附耳而語之。曰：從此我姊夫欲與我姊言情者。將不必假力於筆墨矣。斯時隔相晤期間之計算。不復以日計。以時計。分計矣。其中心之美滿。

當更非可言。噲而我姊亦諒有同情也。而大姊不待余之辭畢，亦附余耳小語，囑勿聲乘衆人不注目時，以一澄黃色小金圓昇余。余喜甚，以勝利品視之。寶之惟恐或失。出大姊之臥室，覓得二姊倩渠爲余貯藏，而告以故。二姐笑應無他語。時將日中，門前鼓樂聲響，雜以炮竹聲，人語聲，喧擾殊甚。迎大姊之彩輿至矣。輿止堂中，堂中燭光輝耀，鼓樂聲震耳欲聾。兩喜娘扶大姊自堂後出，少選余父、余母及二姊諸女親均送大姊登輿。余母含淚作強笑之狀。二姊亦然。大姊雖以淡紅色之紗幕其首，望之不甚清晰，然亦隱約有淚容。卽阿父亦無歡容，是誠怪事。何所不洽於心而爾耶？余自認非笨人，至此亦索解無從矣。及彩輿隨鼓樂聲以俱去，而家中頓形岑寂之象。迨及傍晚，始覺稍復原狀。上燈之後，阿父語余：我姊夫將來我家行揖岳之禮，囑勿他去。須隨舅家表兄麟哥，延之以入也。福弟於新年中曾以一小瓶贈余，中貯棉黃色之藥末，據云係渠父自滬上帶回者，以少許吹入人之鼻中，則其

人必噴嚏不已。余試以陸長林等歷驗。余早擬於我姊夫第一次蒞余家時。以此敬之密藏他處。雖二姊亦未之預告。恐爲所勸止也。至此時機將屆。急取而預儲之。衣褲袋中更預以一雪茄之煙。嵌以火柴之頭。幾粒於其上端。俾吸至其處。而有微爆也。手掌之中預塗以墨油。大如錢。相見之時。求與握手。彼果新人物。必不我却。亦必上我當也。鐘鳴八下。而我姊夫之長隨來報云。已在道。余及麟哥卽出。俟之門次。不一刻。果至。來者凡三人。其二蓋介紹人也。以輿代步。及門而止。相繼出輿。我姊夫居後。衣西式之禮服。峨冠革履。狀至英碩。余與之一鞠躬。後卽出。余塗有墨油之手。待握渠。固知禮亦以手握余。且持之者。再蓋所以示親愛也。而不知已墮余術中矣。渠亦旋覺。俯示其手。向余微笑。隨向袴袋中。以絲帕拭去之。然終覺其猶未淨也。我人旣延之入。登堂謁我父母。如禮。并及戚族。旣畢。就坐。僕人奉茶及手巾。渠接手巾。後初不及。而但措其兩手。折而返之。僕人蓋巾上。已染有墨油污痕。恐僕人。

見之而成話柄也。余於此深佩其措置之得宜。隨以預爲特製之加料雪茄。進渠亦弗却。坦然吸之時。男女戚友聚集一堂。爭看新婿。衆人之目光無不注射於其一身。而渠之態度仍不稍變。絕無僞促不安之狀。徐徐吸其所持之雪茄。目光流轉亦甚自然。及雪茄既燃。及火柴之頭驟起。微爆。續續乃如貫珠。衆睹狀都已忍俊不禁。而渠則緩置之於承灰之盆內。亦不呈其駭怪之形。余至此雖僞爲弗覺。而心中更不得不嘆服其鎮定力之強矣。時堂上已端出筵席。余及麟哥乃請其入座。四人爲陪。兩介紹人與焉。余以用噴嚏藥末之機。至矣。時不可失。遂暗藏少許於掌中。於勸酒時。舉手向其鼻觀。微吹藥末。性質輕絕。頗能如余意。渠卽頻頻以手指探入鼻中。蓋已感藥力之作用。而鼻中作癢矣。旋呈其不可復耐之狀。而噴嚏作矣。渠卽旋其首。以防涕沫之飛濺。席間也。焉知藥末大佳。噴嚏之作。續續無已。難以卽返其首矣。衆睹狀。莫不捧腹。歷五分鐘之久。而噴嚏始止。渠始探袴袋中之絲帕。抹去。

其。上。唇。之。涕。沫。及。回。其。首。則。又。有。足。以。令。人。發。笑。者。在。蓋。其。鼻。下。驟。多。出。拿。破。崙。之。鬚。矣。墨。油。之。作。用。復。見。也。闔。室。更。爲。之。鬨。然。聲。振。屋。瓦。雖。以。老。練。過。人。之。姊。夫。經。此。幾。番。嘲。弄。窘。狀。遂。亦。難。以。掩。飾。面。紅。耳。赤。而。額。汗。亦。涔。涔。下。矣。兩。個。媒。翁。及。麟。哥。亦。各。笑。作。一。堆。捧。腹。不。能。釋。手。余。卽。呼。僕。人。進。以。手。巾。始。得。將。兩。撇。鬚。髻。抹。去。席。終。我。姊。夫。起。致。謝。辭。於。阿。父。阿。母。且。言。辭。我。及。麟。哥。亦。不。加。強。留。送。之。出。門。登。輿。去。區。區。一。席。酒。吃。了。多。少。虧。余。殊。爲。之。呼。不。值。得。也。苟。歸。語。大。姊。者。則。我。嚴。明。之。大。姊。於。此。種。種。之。惡。作。劇。出。自。何。人。擺。佈。必。已。瞭。然。於。胸。中。思。之。當。亦。失。笑。

### 第十九章

大鬧博場 三月十三日

今日爲我大姊于歸後之第六日。女戚之留而未去者。尙屬不鮮。余於下午。自校中散學歸。霞姊。淑姊。及鄰居蓉姊。我家二姊等。叙精舍中。作雀戰。桌上。鋪以潔白之布。牌聲乃至幽靜。姨母。黛姊。倩妹等。旁坐觀局。余母及舅母。則



方與我父憑几茗談一室中人均蓬勃有生氣余顧而樂之淑姊身旁積金錢纍纍余知其獨擅勝場也思有以弄之因私藏一鐵針於手中依其身畔潛以檯布之角與其外衣之襟用鐵針相互鐵合淑姊未之覺也余乃潛出往門首小立移時及奔入依精舍之門而呼曰頃街上方有娶親者過其儀仗之多我乃未之前睹行且達巷口蓋各出觀當猶可及衆不知余之謊也爭起欲出淑姊亦闖其已起之牌欲隨衆起身欲出甫離桌而桌面之銀錢及骨牌均散落地矣白色之檯布則綴於其外衣之襟上而拖其下截於地狀至可觀闔室捧腹二姊更以手指余笑不可仰衆爭詢果有娶親者過否余尙擬用讒言以欺之特以狂笑過度一時難以成語惟點首示意急趨而出衆中有黠者則止步不前宅心忠厚而喜觀熱鬧者亦復羣隨於後及抵巷口都無所見乃共呼上當不置余復大笑以鳴得意淑姊未隨衆出余乃入內向之道歉忱渠素愛余天性尤和善仍以藹然可親之容向余而了



之一笑。

第二十章 新奇戲法 三月二十日

大姊出嫁既久。親戚均已辭歸。阿父亦已於昨午。歸。是以家中頗苦寂寞。更值天雨。未便出游。晚膳既畢。阿母及二姊坐於下。話家常。余以倦而罷讀。覺煩悶甚。頗思得一消遣之法。以破岑寂。因謂二姊曰。弟日間在校中。於同學處。學得一新奇之戲法。其名曰金錢飛去。又飛來。姊亦欲一觀否。謂余不信。請以大銀圓一枚授余。可立試也。二姊初亦知爲必係欺人之術。特閒居無聊。亦欲一覘究竟。以資消遣。因卽探懷出一銀幣。畀余。余乃入書室內。取得竹筒形之深玻璃杯一隻。磁茶杯一隻。而塗以濃墨於其底。更取圓形玻璃一片。其大小厚薄。等於大銀幣。藏之袖裏。預備既畢。攜兩杯而出。以玻璃之杯呼菊香。貯以清水。過半。菊香聞。余將演新奇之戲法。喜色現於眉宇。而奉命恐後矣。余俟其取得清水。至卽向二姊索取手帕一方。拆而爲二。覆於

貯水之玻璃杯。口而以銀幣取置手中。伸入巾下。暗中倒出。袖裏之圓玻璃片。使自巾之下。面凸起。而請二姊自巾外持之。大小厚簿。既與銀幣等。故二姊不之疑。而余已將真真之銀幣藏入袖裏去矣。佈置既訖。余囑二姊放手。則杯底丁零作聲。亦頗似銀幣聲也。至是余乃翕張我唇。吻假作默誦咒語。狀移時而止。隨去覆於玻璃杯口上之巾。而目力所及。杯內固無所睹。絕不見銀幣之形也。余施手術時。余母及二姊菊香均注目視余。不稍瞬。丁零之聲亦所共聞。今巾啓而失銀幣所在。能毋駭愕。遂驚爲神術。二姊尤稱奇。不止。余竊喜我計之得售也。笑而不答。二姊續曰。弟不云飛去。又飛來耶。今既飛去。盍使飛來。余應之曰。唯特使之去。其爲術易使之來。則其爲術較難。今姑試行之。或驗。苟不驗者。則我姊一銀幣則入。烏有鄉矣。斯事必得一人爲助。而助我者。必須聽我指揮。無或稍逆。乃克有效。二姊囑言其詳。余乃更命菊香取碗水。至注之於底上。塗有濃墨之磁茶杯內。令滿。曰。助我者。左手持。

此杯而壁立屋之西北隅而以右手食指微蘸杯中之水磨杯底者三就額上用力劃作王字形更蘸水磨杯底如前數沿眉毛之上右左各一劃更蘸水再磨杯底仍如前數就左頰作七圈右頰亦如之余則遙立於屋之東南隅默誦咒語既訖則銀幣必復現於杯中但執杯爲助手者須緊闔其目專心一致依次動作毋稍錯亂否則不效且室內燈光不宜過明須作半明不滅之狀則成效亦較易姊亦願爲執杯之助手否二姊曰可命菊香爲之菊香諾余母猶恐其忘却動作之法及先後之手續命余續教之而菊香言已悉記無遺二姊使背余言果無稍誤余乃旋桌上之燈使滅其光焰而作糊塗之色菊香果移杯往屋之西北隅去余乃亦往立於屋之東北隅口中喃喃作嚙語所念者蓋「人有二手五指」等課本上之文也及隱約見菊香之手續既完乃步至室之中央旋桌上之燈使光復原狀而呼菊香返菊香應聲趨至而余母及二姊乃笑不可仰蓋菊香之額中已着一黑色之王

字。形。眉。亦。左。右。各。多。其。一。粗。且。長。兩。頰。上。亦。加。有。黑。色。之。巨。圈。幾。許。爲。狀。乃。如。獐。鬼。二。姊。多。智。視。杯。中。仍。無。銀。幣。發。現。已。知。爲。余。之。狡。詭。曰。奇。弟。真。惡。作。劇。哉。余。忍。笑。辯。曰。姊。何。不。察。此。特。菊。香。奉。行。未。謹。致。干。神。怒。以。示。罰。者。菊。香。亦。擘。辯。二。姊。笑。取。磁。杯。倒。去。其。中。之。水。反。轉。其。底。以。示。余。曰。此。間。墨。痕。豈。亦。神。之。所。留。歟。更。捉。菊。香。之。右。手。以。其。食。指。之。尖。示。余。曰。此。豈。又。神。之。所。塗。耶。至。是。余。母。及。菊。香。均。猶。未。悟。作。驚。愕。狀。余。乃。笑。取。玻。璃。之。杯。盡。傾。其。水。而。取。出。玻。璃。之。圓。片。更。出。我。袖。裏。之。銀。幣。衆。始。恍。然。大。悟。亦。贊。余。設。想。之。妙。不。置。替。我。二。姊。上。當。之。菊。香。則。懊。惱。不。已。入。廚。下。洗。臉。去。矣。

第二十一章 智弄同學 三月二十二日

時。屆。暮。春。風。和。日。暖。野。外。桃。紅。柳。綠。百。六。春。光。景。色。乃。至。秀。麗。今。日。適。又。星。期。晨。起。余。衣。水。手。之。衣。着。短。袴。長。襪。革。履。頗。覺。輕。便。早。餐。畢。往。巷。口。遇。福。弟。喜。兒。等。七。八。同。學。相。約。作。郊。外。游。道。旁。溪。流。聲。潺潺。好。鳥。鳴。於。樹。杪。蜂。蝶。迎。

香而舞。凡此景物。在在足以動人。田中之麥。高已與我人等穗。上之芒。上翹如鳳尾。被風搖曳。則起伏如海水奔騰。余素知麥芒之上。有細刺。上翹。試摘其一束。齊其上端。倒含口內。則芒上之細刺。內向。用力吹之。可隨氣而出。以其勢順也。苟順。插口內。則芒上之細刺。外向。吹之。則非特不能隨口而出。且悉回入口內矣。以其勢逆也。既入之後。則出之大難。以芒上細刺粘附於舌。顎之上。勢既內向。故易入而難出也。其結果必有三數。麥芒逆入喉間。令人作奇癢。而嘔不舒。孰甚。同伴或未必有明此理者。使共作此戲。必且演成趣劇。而資我笑樂。余乃創議。以吹麥芒較遠近爲戲。衆未知是計。均躍躍欲試。余遂摘麥芒多束。而齊其尖。持其下端。以授儕輩。人得其一。蓋授彼之際。我持下端。則受我者。持上端。含入口內。而芒上之細刺。固外向也。惟於福弟。則否。持上端。而與之以福弟。與我獨厚。朝夕相共。爲余第一良伴。故不忍弄之也。余亦倒含其一束。與衆作行列。同時用力吹之。余及福弟。均脫口而出。餘

則無一能者。蓋悉已逆入口中去矣。衆既以多數之麥芒逆入口內，初猶作咳吐苦不得出，及有因之稍稍吸入者，不得已挖之以指，亦復艱於成效。雖得挖出幾莖而終留三數於喉間，刺刺不休，作嘔亦不已，涕泗交流，爲狀殊覺可憐而可笑。喜兒憤甚，握拳欲擊余，福弟從中解之曰：「君等自不得其法耳，與人何尤？」余亦慰之曰：「明日此時自能消滅其痛苦也。」蓋曆時既久，芒上細刺經唾沫而柔輒，可得自然之吐出，或下咽矣。

第二十一章

彼美獲友

三月二十八日

去余家東百數十步，爲某巷。巷中有巨宅，爲楊氏居。楊氏有女，年與余相若，讀書某女校。彼此自家中到校，或自校中歸家，時時相遇於途中。渠之髮黑而有光，時梳雙辮垂肩際，其上下兩端常繞以淡紅色之絲線，鮮豔奪目，與黑而有光之髮相輝映，更爲美觀。其額則白潤如玉，眉細而長，作新月形。若兩目之妙，則遍覓余所已讀之書中，字殊無以能形容之者。眼珠黑處如黑。

色。之。小。圍。棋。白。處。如。方。熟。之。鵝。蛋。白。流。轉。自。如。見。之。令。人。心。癢。鼻。亦。作。白。玉。色。大。小。合。度。兩。頰。之。中。央。作。粉。紅。色。四。周。漸。作。純。白。色。瑩。潤。無。比。唇。若。塗。脂。擬。以。既。熟。之。櫻。桃。亦。覺。得。當。時。衣。淡。碧。色。之。衣。兩。手。露。袖。外。若。用。米。粉。搓。成。者。是。以。其。人。之。美。麗。爲。我。目。中。所。未。睹。想。我。二。姊。幼。時。亦。必。不。之。及。我。姊。夫。與。大。姊。書。中。所。云。之。安。琪。兒。當。亦。不。過。若。是。余。愛。之。甚。於。自。愛。其。生。命。苟。渠。而。生。長。我。家。爲。我。之。姊。或。妹。者。則。我。得。朝。夕。與。共。中。心。之。樂。當。難。言。喻。卽。天。晴。之。日。亦。必。不。舍。之。而。往。街。頭。去。矣。今。乃。不。然。非。我。姊。妹。亦。非。戚。好。相。逢。陌。路。不。相。及。如。風。馬。牛。也。然。而。愛。心。未。已。將。籌。一。友。之。之。法。俾。得。常。相。叙。晤。以。通。馨。咳。卽。或。不。然。亦。以。得。一。握。手。爲。快。也。而。事。屬。大。難。幾。閱。籌。維。終。不。得。進。見。之。方。智。盡。力。竭。莫。展。一。籌。人。素。稱。余。敏。慧。余。亦。自。許。解。人。若。以。此。事。準。之。則。實。一。笨。伯。耳。何。慧。之。有。昨。日。之。夕。登。床。就。睡。初。不。能。入。寐。於。是。運。我。腦。筋。竭。我。智。慮。悉。力。思。維。冀。得。一。當。旋。有。所。悟。以。余。好。弄。之。腦。筋。仍。不。免。以。頑。弄。



爲妙法以施之於曼妙之個儂其事雖未免唐突美人而舍此末由亦惟有姑試行之而已今晨到校以之就商於福弟喜兒等蓋余之計劃中有需於彼等之助力也彼等自余設計弄張先生之後遂莫不佩余之多智奉爲軍師凡有作爲莫不聽我指揮矣是以彼等於此亦復願甘聽命以助其成及下午校中課畢後余及余之助手福弟喜兒等六七人均不卽返家挾書裏馳至某巷之口以待美麗之個儂此巷爲個儂自校中返家必由之要道也余則離衆微遠徘徊於巷之左近以待時機之至此爲我人之開始動作余所預爲擺佈者也移時而個儂至矣挾素巾之書裏蓮步輕移轉入某巷余目逆而送之中心忐忑怵也勿寧誠恐余之助手爲狀過暴而驚及個儂也不一刻余卽步入巷中則福弟等已圍個儂於中央各以一接吻爲請雖不遽施強暴而嬉皮笑臉之狀果足令人難堪也個儂立衆中俯面無語兩頰赧甚作可憐紅其旁惶無主急極欲哭之狀果畢呈於其眉宇間也至此余



大。不。忍。深。悔。我。計。之。紉。然。已。無。可。如。何。矣。因。僞。爲。與。福。弟。等。不。識。也。者。厲。聲。斥。之。曰。何。處。狂。童。膽。敢。無。禮。衆。不。待。余。之。言。畢。破。口。而。罵。余。擠。入。奮。臂。一。擊。而。仆。者。二。更。一。舉。足。又。仆。其。一。實。者。仆。者。僞。也。至。是。福。弟。等。各。僞。爲。不。敵。而。逃。個。儂。見。衆。已。去。遠。赧。顏。以。向。余。狀。若。欲。有。所。語。而。不。卽。啓。口。者。然。余。先。鞠。躬。致。詞。曰。此。輩。頑。童。惡。劣。至。此。殊。足。令。人。生。恨。姊。得。弗。受。驚。否。渠。微。喟。曰。幸。君。見。助。不。然。殆。矣。儂。深。感。君。頗。欲。得。君。爲。友。特。余。母。斯。時。必。已。倚。閤。待。儂。歸。君。亦。願。伴。儂。返。耶。苟。其。然。則。余。母。亦。必。樂。見。君。而。願。君。以。儂。爲。友。也。言。時。聲。至。流。離。亦。復。婉。轉。動。人。若。枝。頭。之。好。鳥。鳴。春。余。至。此。乃。欣。喜。欲。狂。然。力。自。鎮。定。不。敢。稍。露。輕。浮。之。狀。以。取。厭。於。渠。伴。之。返。遂。得。爲。入。幕。賓。今。日。之。樂。爲。有。生。以。來。所。未。有。執。筆。書。此。猶。不。禁。手。舞。而。足。蹈。也。

第二十二章

倩影遺愛

四月初六日

余識楊家婉姊已逾一週此一週中每得暇必至姊處共遊玩青梅竹馬樂

乃無擬吾以姊如春風如冬日如豔麗之花如忘憂之草令人愛暱與之共處其味殊永好弄之性亦爲之大減福弟等以余之相捨也頗懟余余以愛婉姊心切時念之不復以弄人爲樂且心戀於婉姊思所以悅婉姊之方之不暇復何暇籌及弄人之術耶是以於福弟等之懟余與否不及顧矣余自得識至可愛之婉姊已數數受其餽贈精美之小洋狗也彩色之小皮球也洋鐵之小指揮刀也均爲婉姊心愛之品悉舉以贈余矣不獨此也余每至其處必以果餌相餉余感之甚愧無以爲報余之所有玩物中或非婉姊之所愛殊不足以贈之也日前遺之以口吹之小洋琴一事渠雖贊美不絕口未知其芳心中果樂之否耶余曾屢請之顧我家中而渠終不我允然則余將何以報之余籌之熟而不得得當之法也時光容易今日又過星期晨起早餐後散步庭中薔薇盛開紅白相間若相爭其豔麗桃則紅酣如醉然我猶嫌其過濃李則淨白如縞素我猶嫌其過淡殊不若婉姊之顏色濃淡得

宜兼兩者之長也。使婉姊處此則桃也。李也。且各自慚其減色而含苞不放矣。正徘徊間。適一雙蛺蝶來自東鄰。飛舞花叢。狀至活潑。兩翅花紋亦復美麗。悅目。余急呼菊香共撲之。幸均就獲。本擬以之贈婉姊。特渠性慈悲如菩薩。自必愛惜。生物應變。計取一錦匣書於其內。面之底上曰阿誰縱此一雙蛺蝶。自必多福。貯蝶其內。攜往婉姊處。渠方立簷下。調鸚鵡。未見余。鸚鵡垂覺。甚已弄舌曰。秦家公子來矣。渠乃回顧。各道晨安。已。余卽以錦匣上。渠以素手啓匣。而一雙蛺蝶鼓翅飛矣。渠微愕。及見匣底字。始嫣然微笑。并致其懇摯之謝詞於余。曰。以此爲阿儂祝福。真雅事也。鸚鵡亦效言之。聲雖不及。婉姊之婉轉有致。然頗清利可聽。余乃大樂。移時相偕入婉姊書室。渠以一新攝像片示我。大僅及二寸。婉姊立花叢中。攀花微笑。神態逼真。愛不忍釋。稱賞不止。渠謂願以贈余。余則如獲珍寶。急欲致其謝忱。而遍覓胸中。實無足以表我感激之忱者。頗覺歉仄。將午始懷影辭歸。午膳後出門。本擬仍往。

婉。姊。處。尋。樂。事。中。途。爲。福。弟。等。所。困。不。得。脫。謂。必。欲。伴。作。竟。日。游。余。僞。應。之。思。乘。間。逸。去。至。某。曠。場。余。思。得。妙。法。出。銅。幣。十。數。謂。衆。曰。君。等。以。巾。掩。目。成。一。大。環。蹲。踞。以。待。余。立。周。外。將。所。有。銅。幣。悉。數。擲。環。中。君。等。聞。聲。前。往。暗。中。摸。索。以。所。得。購。果。餌。如。何。衆。聞。語。均。歡。躍。報。可。遂。各。以。巾。自。掩。其。目。作。環。形。蹲。踞。待。余。以。銅。錢。七。八。枚。擲。環。中。衆。爭。趨。之。余。見。時。機。已。至。急。抽。身。逃。去。往。婉。姊。處。以。弄。風。琴。唱。歌。曲。爲。樂。旁。晚。始。歸。途。中。遇。福。弟。等。交。口。責。余。余。微。笑。謝。過。

第二十四章

易容趣劇

四月初八日

今。日。爲。大。姊。嫁。後。滿。月。之。期。大。姊。預。約。偕。姊。夫。於。今。日。歸。寧。我。母。更。畧。邀。戚。好。以。開。小。宴。阿。父。亦。已。先。期。自。滬。返。時。將。近。午。我。姊。夫。偕。大。姊。乘。輿。至。余。見。姊。夫。仍。出。手。與。握。并。示。以。掌。曰。今。日。已。無。墨。油。留。其。上。請。勿。疑。渠。微。笑。點。首。坐。既。定。更。進。以。雪。茄。復。謂。之。曰。此。中。亦。未。嘗。加。以。手。術。絕。無。奧。妙。請。放。胆。吸。

之。可。也。噴。嚏。之。藥。末。今。日。亦。決。不。藏。之。手。掌。中。矣。渠。仍。笑。點。其。首。攜。余。手。詢。一。切。狀。殊。親。暱。大。姊。眉。宇。間。呈。愉。悅。之。色。我。有。以。知。其。在。姊。夫。家。亦。樂。也。其。遇。余。亦。一。減。其。嚴。厲。之。態。而。爲。和。善。噓。寒。問。暖。大。足。感。人。余。瞥。見。姊。夫。之。手。指。上。御。一。紅。鑽。石。之。指。環。係。我。大。姊。在。家。時。所。常。御。者。也。及。回。顧。大。姊。之。手。指。上。果。已。無。有。而。多。一。白。鑽。石。之。指。環。加。之。其。上。我。有。以。知。彼。兩。人。行。婚。後。所。交。換。者。也。佯。作。不。知。謂。我。姊。夫。曰。此。指。環。者。非。我。大。姊。之。所。有。者。乎。何。以。加。之。姊。夫。之。指。上。其。故。可。得。聞。歟。我。姊。夫。赧。而。不。答。更。謂。大。姊。曰。姊。非。有。紅。鑽。石。之。指。環。乎。而。今。安。往。矣。此。白。鑽。石。之。指。環。又。爲。何。乎。來。者。大。姊。亦。面。赤。無。語。而。垂。首。及。臆。在。座。戚。友。爲。之。大。笑。曰。此。蓋。二。而。一。一。而。二。者。也。大。姊。尤。赧。怒。余。以。目。余。心。銜。之。僞。爲。弗。見。顧。謂。姊。夫。曰。一。月。來。哥。當。樂。甚。花。好。耶。月。圓。耶。已。將。至。純。潔。之。愛。情。悉。力。灌。注。於。我。大。姊。之。心。坎。否。耶。此。三。十。日。中。當。無。日。無。時。無。刻。不。在。玉。鏡。臺。前。佇。我。大。姊。眼。波。也。言。已。吃。吃。笑。衆。中。除。我。二。

姊外以未知底蘊莫明所以而我大姊及姊夫聞之已覺字字刺入耳中羞  
 慚不能容矣我二姊則笑不可抑余回顧大姊已不復作怒目視蓋渠亦知  
 苟再以怒目視余者余將悉以書中之祕密宣之於衆人之前矣余則向之  
 點首作得意狀渠實無如之何也余素知我姊夫豪於飲而酒中苟和以白  
 犬之乳者則其人雖量可以盡斗酒亦可以一杯醉之三官家豢有白犬一  
 頭純白無雜色牝也且適新育余卽取一小玻璃瓶囑三官取其乳以注之  
 瓶中將以弄我姊夫也三官時與犬戲旣受我託以犬頭入一罈中而取其  
 乳事固易余旣得乳以瓶私授菊香囑其於酒半酣時傾入我姊夫席上  
 之壺中使一桌盡醉蓋菊香今日司添酒之役也渠初不余允余以危詞恫  
 之謂苟不如余命者將設惡策以弄之渠始畏而效命席終我豪飲之姊夫  
 果爛醉如泥與之同坐者亦莫不嘔吐狼籍姊夫由林媽菊香等扶入書室  
 中之沙法上卽酣然睡去大姊以礙於戚衆未能侍其左右因囑菊香看守

余私遣之去。取得香粉胭脂之屬。爲之殺粉調鉛。敷其面首。并眉心塗以胭脂。作細長條形。更點其櫻唇。使惺紅如血。兩頰亦作粉紅色。更用柳炭之條。爲之畫眉。使修長合度。我姊夫本豐於貌。至此已易濁世翩翩之佳公子。爲蛾眉螓首之美人矣。時渠固睡熟。由我之加以玩弄。初不稍覺。余手續既完。將脂粉柳條收拾淨盡。以待其醒來。俟之久久。渠始欠伸微醒。呼茶。余急倒杯茗飲之。渠飲後酒力亦退。遂起白沙法畧。有詢問。余具告之。渠既不引鏡。以自照。乃不自知其易容。攜余手將登堂。余從之。頗欲縱聲大笑。恐爲所覺。力忍之。既登堂。戚友咸集。方分座。作雀戰。余故作怪聲而嗽。衆悉昂首視余。及見姊夫面。莫不捧腹。不可以抑。余亦作狂笑。姊夫亦疑人之笑已也。遂自顧其身。見衣履整潔。猶是初無稍異。乃疑衆人之笑。非干己身。想別有可笑者在也。則亦隨衆而笑。於是衆人之笑益烈。而聲益縱。余乃引姊夫至衣鏡前。俾自鑑其容。渠自見其塗脂抹粉之面。雖羞慚無已。而笑聲亦不能稍抑。



菊香伶俐卽端盆水出我姊夫卽就盥漱洗去鉛華而反其本來之面目一場至有趣味之趣劇遂以閉幕濡筆書此猶屢欲噴飯也

第二十五章

偷兒受縛

四月十六日

我大姊及姊夫歸寧後以余母囑作十日留以故家中日來頗覺熱鬧今日放學歸來往婉姊處游玩片時返已旁晚上燈後家人團聚作笑談得天倫之樂趣時大姊捧小狸奴憑几坐此狸奴爲我家所畜作雪色而頂上則作黑色如桃子形潔淨可愛我姊弟三人均寶之名之曰玉妹大姊尤加愛護苟得暇必懷抱之以撫弄爲樂偶爲其利爪所傷亦不忍加以扑責也今嫁後歸來仍不減其所好余至此又欲戲大姊以博衆人一笑因自大姊手中抱得玉妹至姊夫前置於其膝上曰「媽媽抱得吃力了還是叫你爸爸抱罷姊夫本已伸手受貓比聞余語急縮其手衆睹狀果哄然笑大姊姊夫均赧余笑曰明年今日必已有此真像何赧之有我大姊早計及此故藉玉妹



以資歷練。然則姊夫亦當歷練以備將來。分我大姊之勞。非然者。大姊太吃虧矣。衆聞語益笑。而大姊姊夫則益赧。晚膳後更茗談。至於久久。時且夜。午衆始倦而思睡。余伴姊夫入東廂。餘亦上樓去。蓋自姊夫來我家。余日伴之宿東廂內也。余及姊夫解衣登床。方將入夢。忽聞得得聲起自牆下。牆外爲菜圃。余卽疑爲偷兒。余急與姊夫披衣起。躡足下牀審之。良確。姊夫欲大呼以逐賊。余搖手止之。就其耳告以捕賊之法。姊夫以爲可。遂以長而巨之麻索一拗作牛扣結。留一大環。以其所餘穿屋之橫樑。而過自遠。牢引之以大環就牆下。發聲處佈置。旣訖。滅室中燈。靜以待之。時方月夜。及牆下穿一小孔。卽有月光漏入。余見繩環之位置。稍有未當。躡足而前。爲移而正之。仍返就姊夫。與之共引繩端。以待移時。而牆上被突之穴。周圍漸廣。及大可以容身。彼偷兒者。且探身穴內。匍匐以入。始之以毛髮飛蓬之首。目灼灼四顧。幸我人立。暗隅彼之目光。所不能及也。而我人則辨之。悉以月光自穴中射入。

也。余及姊夫仍持繩不稍動。彼進未已。繼之以項而肩而腰。我人至此始疾拉其繩。用力既巨。繩已緊縛。偷兒之身并及兩手。轉瞬間。我人已將偷兒之全身拖入室內。而懸之空中矣。渠固未及戒備。而手已被縛。是以雅欲撐拒。亦莫能爲力矣。我人於此恐再有偷兒之同黨。繼之以入者。則我人既執司繩之役。更難顧及其他。勢且不敌。且力難執繩。以待旦。因大呼捕賊。以求援助。亦恐偷兒不止一人。所以使知室內有備。而嚇之使逃也。樓上之林媽。以哺我弱弟未睡。熟聞聲急起。并醒其餘。不一刻而偕余母及兩姊菊香等。而持燈下樓矣。相將入室。睹狀。各大笑。以偷兒懸空中。鬚曲其身。如一巨蝦也。偷兒被縛。初弗敢聲。閉目噓氣。如垂死人。林媽言將赴警局。召警士來俾捕之。去渠始發言求赦。并立誓改行。余執木棍叩其頭。渠之頸乃伸縮不已。呼痛乞恕。淚下如簷泉滴水。余母仁慈止余弗擊。余乃舍我棍。時姊夫及菊香執持繩。役菊香力已不勝。余乃請姊夫微鬆之。而牢縛其一端於屋柱之巨。

釘上。偷兒之身離地可三尺許。余及姊夫推動之。使東西蕩漾。如時辰鐘上之錘擺動不已。更推之作圈形。使一鬆手。猶旋轉不已。偷兒胸間作痛。且頭暈欲嘔。呼痛聲與作噫聲。乃連續弗已。余則以之爲笑樂也。晨曦既動。我人始放之。下而偷兒慄慄一息。難以動彈。俟之久久。始能匍匐。乃縱之令去。

第二十六章 失影致病 五月初四日

臥病多日。日記亦爲之間斷多時矣。余自上月。初六日。婉姊以其小影見贈。寶之甚。置之書篋中。每日到校。必攜以俱去。卽上課時。亦常背人偷看。以當與婉姊面晤。苟遇算學之難題。一時不明其理。難以演出者。試一窺婉姊小影。未有不豁然貫通而立時演出者也。蓋其影中之媚態。令人見之。頓覺神怡。心曠而智竅頓開也。余每晚必於就睡之前。作日記。斯時必不許他人在側。以擾余自得。婉姊小影必於作日記之時。置之座上。以爲我伴。蓋日以爲常也。上星期月曜日晚餐既罷。將做我日記之功課。覓婉姊之小影於書篋

中久不可得。卽翻遍篋中所有之課本。亦無小影之踵跡。蓋已不翼而飛矣。余旣失此。我所最寶貴之小影。懊喪萬狀。情急欲哭。亦復無心再作日記。上牀就睡。而又不能貿然置之不識。果爲阿誰攜去。思之重思之。終無朕兆。中心之憤恨。與悲痛。均達極點。且婉姊以愛余甚。而以小影見遺。然則余宜如何。珍惜而寶藏之。今竟失去。將何面目。以更見我摯愛之婉姊。愈思愈惱。而轉折勿能成寐矣。比至天明。目未交睫。體倦而熱。口燥欲裂。遂呈病象。余母憂甚。急爲延醫服藥。然亦鮮效。病中苦念婉姊。而於婉姊之小影。心又未能釋然。臥病之第三日。母囑二姊。函告阿父。阿父卽於翌日歸。余以病而致父母。憂慮心甚不安。又連日不得見婉姊。益形焦灼。而病魔纏繞。不肯少休。延至七日。迄未稍痊。忽悟致病之由。在失却婉姊。小影愁思過度。終夜未睡。旣病之後。復苦念婉姊。及其小影。煩惱頻增。憂思團結。而神志昏迷。藥遂罔效。而痊可爲難矣。然病苟未已。無以見婉姊。苦念小影。小影終不可復得。且病

足。以。遺。父。母。之。憂。更。屬。不。孝。可。知。憂。思。焦。灼。非。特。於。事。無。補。而。又。害。之。矣。籌  
思。至。此。遂。不。敢。復。念。婉。姊。亦。不。復。以。失。却。小。影。而。懊。惱。解。脫。一。切。善。自。寬。慰。  
取。日。記。簿。讀。所。記。弄。人。之。事。不。覺。開。我。笑。口。笑。口。一。開。頓。覺。胸。臆。舒。暢。而。神  
清。氣。爽。矣。病。勢。亦。遂。以。之。漸。減。昨。日。下。午。已。可。起。身。以。母。命。仍。睡。牀。實。則。病  
果。大。愈。矣。今。晨。早。起。精。神。大。佳。體。力。亦。健。惟。引。鏡。自。照。面。龐。稍。覺。消。瘦。耳。早  
餐。後。以。明。日。爲。端。陽。節。各。學。校。必。例。假。三。天。今。日。當。已。停。課。婉。姊。斯。時。必。在  
家。中。不。復。往。校。中。去。也。渠。愛。余。摯。多。日。不。相。見。諒。亦。以。我。爲。念。余。病。所。以。不  
之。告。者。恐。其。以。余。病。而。憂。也。蓋。我。固。不。欲。使。婉。姊。心。中。有。些。微。之。不。快。特。余  
十。數。日。未。往。得。勿。疑。我。寡。情。驟。示。疏。遠。而。生。其。怨。望。否。然。我。苟。告。以。余。病。者。  
渠。必。釋。然。於。心。而。愛。好。如。初。矣。或。且。以。余。病。新。愈。面。龐。消。瘦。而。示。其。憐。惜。則  
我。人。愛。好。之。熱。度。益。增。矣。思。至。此。我。乃。大。樂。恐。余。母。以。余。病。體。方。痊。阻。我。外  
出。故。不。告。而。行。達。巷。口。遇。福。弟。三。官。等。相。見。歡。然。均。賀。余。弗。藥。余。笑。謝。之。蓋

病中渠等固日來問疾也。談無多語。余念婉姊心切。卽欲他行。彼等詢以何往。余笑而不答。福弟狡黠冷然曰。余已知之。何問爲我人之情好。果不及個儂一人之情好也。特未識奇哥病中。渠亦曾來問疾否。余意情好。旣篤必且數數來也。語含諷刺。令人難受。余急爲之解曰。余病中實未以告渠。渠亦未知余病。是以未來問疾。福弟又冷然曰。若是則多日。睽違思念自切。今日者久別重逢。自多樂趣。事不宜遲。行矣。奇哥我人不再纏汝。以敗君好事也。衆和之。余不覺赧甚。曰。福弟何許學得刻薄語。咄咄逼人。乃爾衆吃吃笑。余大疑然。亦不欲加以究詰。卽與衆點首而別。旣抵婉姊居。推門而入。至庭前。婉姊方立。月季花前。伸素手採花朵。首固外向。以故余見婉姊。婉姊亦見余。余急鞠躬爲禮。方欲有言。而婉姊已旋其首。不我顧。若不我識。不我見者。然余爲之愕然。豈渠固未之我見耶。抑我以經此小病。已面目全非。而渠已不我識耶。否。否。余可必其不然。由是疑團莫釋。如墮五里霧中矣。趨而就之。鞠躬。

言曰。婉姊起何早也。渠他顧作不之睹。更斥之曰。何處頑童。闖入人家庭院。不畏人家斥逐耶。余急辯曰。予秦奇也不見。僅十餘日。渠已不我識耶。渠更嬌嗔曰。子一無賴之頑童耳。儂已知之甚悉。此間無汝立足地。苟不速去。儂將喚僕婢來操杖以逐子。不如速行。多言無益也。余益駭。以爲溫柔曼妙之婉姊。余於十數日前來此。每開笑口。以共遊玩。愛好如姊弟。且從未見其疾言厲色以凌人。今何遽變。豈其瘋耶。察其狀。又弗類。然則余曾有所開罪於彼耶。我知矣。渠以未知余病多日。未來存問。遂致見怪。余試告以病者。彼必霽顏向余矣。因笑詢之曰。姊豈怪余久不趨侯耶。實則此十數日中。余果病也。病中苦念我姊。頗思一見。其如病莫能興。何所以不以病狀相告者。恐遺我姊憂耳。弟之於姊。愛之甚至。不欲與我姊有一刻之離。以我之身命。與我姊較。我殊覺我姊重。而我之身命輕也。我姊思之。弟之愛我姊之忱如此。而謂願甘自遠於我姊乎。惟我姊察之。渠聞語益惱。怒曰。汝病何與儂事。絮絮。



何爲天道不喪汝病當也病旬餘而卽愈儂猶嫌其爲期之過短蓋頑劣如子宜多受疾病之痛苦也汝曰愛儂儂殊不願得汝愛儂聞汝語頭暈欲嘔儂見汝面怒火中燒速緘汝口去而之他斯爲幸事言時聲悽以厲怒目切齒若含有無窮幽怨而憤恨至於無地者然余至此乃懊惱甚更不可耐然於婉姊之前殊不敢施其狂妄之態仍平心靜氣而言曰姊盍明以語我我因何所開罪於姊而致我姊惱怒至於此極弟固愛姊實欲使我姊無所不快於心卽以我之生命爲我姊易幸福亦所甘心姊不欲聞余言不欲見余而余本當立去此間以免我姊煩惱然余固不知何所不慊於我姊尙欲乞我姊明示譬之審判官之於囚徒欲治以應得之罪者必須宣佈其罪狀使彼囚徒自知其罪始心悅而誠服也慧心如姊當以余言爲非謬渠乃冷笑曰子好辯如此而頑劣又如此實類一狡滑之囚徒特以儂之絕子早已具有決心故無論汝之言詞如何甜蜜如何婉轉在儂終覺逆耳非特無動於



中且益增惡感也。蓋儂已瞭然於胸中。汝雖一十齡之童而奸詭百出。無所不用其詐。僞汝之假面具。既被儂揭去。儂亦不復墮汝術中矣。特以愛好多時。儂亦心存寬厚。不欲以汝之悖謬行爲一一揭出。而汝乃弗諒。猶復掩耳盜鈴。僞爲弗覺。必欲逼儂以汝之罪狀。宣佈汝前。可笑孰甚。其他姑置不論。試問阿儂之小影。今復置存何許。汝雖狡詭善語。於此將何以答我言。已復作冷笑。余至此如囚徒聞死刑之宣佈。駭極幾暈。木立不復能動。私計小影失去。渠竟先知其故。殊令人難解。余之於此。雖不能辭其疏忽之罪。然卽此絕我亦未免很辣。過甚。渠旣以此爲詢。在余殊覺難以置答。啞啞不知所云。繼思事旣至此。雅欲掩飾。在勢已不可能。且彼方以余之狡詭爲恨。若再進以讐言。必且增其厭惡之心。不如據實以告。或可得其衿恕。況余之於婉姊。小影初非不加愛護。一旦失去。殊出意外。在理固亦情有可原也。籌思至此。遂力自鎮定。壯膽而言曰。小影耶！我非不可以明以告我姊。特我於未告。

我。姊。之。先。必。欲。得。我。姊。矜。恕。蓋。小。影。固。已。於。我。病。之。先。一。日。失。去。矣。而。我。之。所。以。病。者。亦。卽。以。此。斯。事。之。起。在。余。雖。不。能。辭。其。疏。忽。之。咎。然。事。變。之。來。出。人。意。外。令。人。難。防。以。故。尙。欲。乞。我。姊。恕。之。也。遂。以。余。得。小。影。之。後。如。何。寶。愛。如。何。置。之。書。篋。如。何。時。加。晤。對。及。後。如。何。失。去。如。何。悲。切。如。何。致。病。以。及。病。中。之。苦。況。悉。舉。以。告。之。詳。盡。靡。遺。自。謂。婉。姊。於。此。必。能。信。其。所。言。而。不。再。逼。人。咄。咄。矣。焉。知。渠。聞。余。言。曾。不。稍。減。其。惱。怒。仍。冷。然。曰。凡。子。所。云。儂。意。去。事。實。猶。遠。文。過。飾。非。以。求。恕。於。人。其。可。得。乎。儂。素。性。柔。和。雅。不。欲。絕。人。過。甚。特。以。子。頑。劣。世。罕。其。匹。萬。不。宜。更。爲。儂。友。在。理。實。不。可。恕。今。明。以。語。子。某。巷。中。之。六。七。頑。童。非。汝。之。同。伴。耶。辱。儂。之。舉。非。汝。所。主。使。耶。乘。人。之。危。已。爲。仁。者。所。不。許。況。設。計。陷。人。乎。又。復。假。作。殷。勤。攘。臂。相。助。人。任。其。惡。我。居。其。功。心。術。至。此。實。爲。無。賴。之。尤。儂。心。坦。白。不。疑。鬼。馘。遂。竟。墮。汝。術。中。錯。認。好。人。引。狼。爲。友。至。以。影。片。墮。奸。人。手。中。而。汝。生。性。頑。劣。無。可。感。化。外。示。愛。好。而。心。存。欺。詐。

將儂爲玩物。以污蠛之詞句。加之影片之上。與人。以難堪處。人如敝屣。猶復設詞。唐塞。以冀再來。作弄儂。雖不敏。亦決不再墮術中矣。汝其休矣。余至此。益駭如墮深淵。知昔日之狡計。已敗。難望渠之恕我矣。然希望之心。又未能盡泯。更欲盡其一言。以博我最後之運命。因復致詞曰。姊其聽之。余於進見我姊之方。初亦自知其無當然。以愛我姊心切。欲引以爲友。急不及擇。遽爾出此。事後固亦深覺無以對我姊也。然事固可恨。情實可原。在我姊。猶當諒余苦衷。恕余狂妄。以示大度。且余之所以出此者。亦以愛忱使然耳。豈有他哉。自蒙不棄。列之愛末。余卽感激無已。言談之間。莫不出以誠意。無敢稍存欺僞。至小影之所以失去。余已言之於先。實無一字之虛飾。惟上帝知之所謂污蠛之詞句者。余實茫然無知也。惟影已失去。令人難以證明。且我姊固何所見。而云然哉。巷中之羣兒。爲余之同伴。纏繞我姊。係余主使。又誰爲我姊告者。以余度之。必欲於我二人之間。施其離間之策。而加以播弄者也。婉

姊頻搖其手曰儂殊不汝信言已握其旣摘之花步入書室去余亟隨之以入渠自抽屨之內取出巨帙得一紙裹於帙內憤然舉以擲之桌上曰自審之非此不足以折服汝也余拆而視之則書篋中失去之小影在也特影中人已紅其目作圓形而巨綠其鼻大其口藍其眉髮非復婉姊之真面目矣更題其眉曰怪物曰我之玩物之像書其旁曰貌如夜叉令人見之作三日嘔苟欲求婚於我者我且却走不遑矣語至惡毒下署固秦奇名也嗟乎是誰惡作劇而忍心至此以素好弄人如我今亦爲人所弄耶細審筆跡酷類福弟所書余乃大悟蓋福弟等以余旣識得婉姊暇卽從婉姊遊而不復以福弟等爲伴避之惟恐不及彼等恨余始乘我不備竊此小影以弄狡詭俾婉姊絕余而余仍退而與彼等遊也因謂婉姊曰此小影非得自一與我年相若貌端好眼珠流轉衣履整潔之童子手乎婉姊微點其首余乃具告所以渠猶不之信惟顏已稍霽余心亦爲之稍慰更爲之解曰前日貯蝴蝶之

匣姊已棄之否乎苟未之棄者則匣底固留有余之手書在試以之與小影上所書兩相比較果否係出一人手筆若然則余更無辭以自辯否則姊亦可以審余語之非誑矣婉姊聞語如以爲然卽更自書桌之抽屜內取出錦匣去其蓋以底上之字與小影上之字相較憑其慧眼以辨異同注目移時微笑睇余俯首無語蓋慧心如婉姊斯時非特於小影上之詞句審爲決非自余手且有感於匣底放蝶祝福之數字其含笑微睇中固含有無限慰藉之狀也余乃樂甚如久處暗室之囚徒一旦遇赦得以逍遙於光天化日之下復謂之曰苟姊猶未信者余更有術足以自證渠藹然曰法當如何曰余將喚福弟來俾自陳其詭謀於我姊之前曰渠或不來來或不承又將如何曰余力足以制之苟不我從則與之鬪耳曰其如友誼何曰以婉姊故卽喪我身亦復何吝況乎其他此生苟見棄於我姊者生亦何樂以故凡可以消釋斯事之嫌疑者雖赴湯蹈火亦必有以致之姊其稍待余行將往招福弟

來也。言已轉身欲出。渠乃疾握余手。不聽。余行曰。儂已深信君言。殊不必另覓證人。以滋紛擾。君素與彼等交好。徒以儂故而致疏遠。宜招怨。尤且同屬友誼。似不當親此疏。彼顯示厚薄。今後還宜假以辭色。時與彼等共遊。以復原狀。俾不致銜恨於心。而再生狡計也。余急應之曰。唯否。不然。余與彼等不過尋常之友誼耳。若姊則！余言至此。婉姊已截言曰。則如之何。而紅暈於頰。赧矣。余言乃弗復續。更易其詞曰。余於進見我姊之方。殊覺未當。至今猶甚悔之。未識我姊於此。亦已恕之否乎。婉姊急曰。是實出於愛我之忱所致。初不足爲君病。儂今於此。非特恕君。抑且感君之誠意。今日之事。儂今思之。殊頗自悔。蓋操之過切。幾至決裂。以失我惟一之好友。且憤怒之餘。語多唐突。過甚。初未計及君以新愈病體。受此過劇之刺激。身心之痛苦。殆難堪耳。惟以與君友好。月餘。過從無間。愛君既甚。一旦有此失望。事中心之酸楚。亦烈而恨心亦甚矣。君或有以諒之也。余急應之曰。否。否。余又何敢怪我姊。且

先。前。之。悲。痛。殊。不。敵。斯。時。之。愉。快。而。今。而。後。當。常。快。樂。而。更。無。愁。緒。矣。婉。姊。曰。願。如。君。言。先。時。婉。姊。方。以。阻。余。而。握。余。手。至。此。未。釋。余。亦。握。之。覺。軟。潤。如。綿。也。由。是。我。與。婉。姊。乃。復。歸。於。好。相。與。歌。愛。之。花。一。曲。以。祝。永。好。歌。罷。以。時。且。近。午。起。立。言。辭。婉。姊。復。出。一。完。好。之。像。片。贈。余。且。送。至。門。余。乃。歸。飯。作。此。日。記。之。先。又。得。置。之。案。頭。與。婉。姊。晤。對。矣。入。睡。後。魂。夢。之。安。殆。亦。可。以。豫。卜。

## 第二十七章

### 蓬萊遇美

五月十二日

余。自。受。福。弟。等。玩。弄。後。以。婉。姊。勸。不。復。與。彼。等。落。落。時。共。遊。玩。今。日。星。期。上。午。往。婉。姊。處。作。半。日。之。晤。叙。下。午。乃。伴。喜。兒。福。弟。等。作。留。園。之。遊。於。小。蓬。萊。遇。三。五。女。郎。年。均。與。我。人。相。若。攜。手。閒。步。衣。履。均。華。貴。入。時。珠。圍。翠。繞。粉。香。襲。人。若。幾。枝。紅。杏。以。濃。艷。勝。不。如。婉。姊。之。雅。淡。出。塵。也。福。弟。笑。謂。余。曰。子。善。言。好。弄。亦。有。以。戲。若。輩。否。三。官。等。又。從。而。和。之。余。微。笑。不。語。趨。而。前。直。逼。女。郎。輩。相。距。可。尺。許。作。劉。楨。之。平。視。目。灼。灼。不。稍。瞬。口。咄。咄。作。贊。美。聲。翼。兩。臂。



以阻其去路。女郎輩避讓不遑。余則隨以西東。不之舍也。彼等羞憤之餘。乃作嬌嗔。謂誰家輕薄兒。膽敢侮辱儂輩。苟再繞纏不休。則儂輩將歸訴家人。喚僕婢來撻汝於廣衆中矣。速去無逆。余莊容答之曰。否。姊等唇塗脂而面敷粉。非欲示人以貌之美耶。被綺羅短衣。窄袖錦簇花團。非欲示人以服裝之佳耶。珠圍翠繞。珍飾滿身。寶氣珠光。耀人眼簾。非欲示人以家產之富耶。余以相逢陌路。審爲貌美也。裝飾佳也。家產富也。又深悉姊等之心理。乃從而賞贊之。是則姊等之知己也。在理宜加以感激。而鳴其謝悃。若盡途人而悉如阿儂之一一加姊等。以賞鑑則於姊等之華衣美飾之用心。爲不負矣。今乃不然。世人夢夢缺乏審美的觀念。於姊等之華衣美飾。不知加以賞鑑。偶一顧及。卽掉首而去。是有負於姊等之用心也。儂有心人。殊爲姊等呼不值。而姊等亦反其道而行之。於此富有審美觀念。鳳毛麟角之知己。非特不加感激。表其謝悃。且加以嗔叱。至欲呼奴喚婢。執其人而撻之。在理旣不可。



通而與華衣美飾之初心亦復相背姊等於此思之當亦喪然自失矣福弟等雖居余後而相距不遠於此強詞奪理之言語亦歷歷可聞迨余語畢乃拍手歡笑呼妙不止女郎輩經此嘲弄雖必含怒於心而無可致答蓋不得不折服我之詞也各紅暈於頰而俯首無語余則視之而笑猶翼兩臂以阻其去路也女郎中有衣杏黃衫子者貌最慧黠首先發語曰君誠有心殊不失爲我人知己頃間唐突頗以爲歉惟旣屬知己諒亦不加深責也衆亦和之且曰我人以事將歸還祈讓道余乃笑曰若是則庶不辜負阿儂一翻贊賞姊等之好意雖然豈獨無以表其謝忱者耶亦許一握手乎旣在知己想亦不我却也女郎輩無奈乃一一與余行握手之禮而去離余稍遠余見其相與作喁語想卽詈予輕薄之詞也余不暇計矣昂首作得意狀以就儕輩如凱旋之軍儕輩均以諛詞進爲余戰勝娘子軍賀相率往而之他以盡遊視之樂及興闌始詠而歸時已旁晚

第二十八章 代文訓師 五月十二三日

飯後到校第二時散課後與福弟往覓長林擬有以弄之以爲笑樂也苦不可得詢之其同級生知彼級第二時爲闔王票子之綴法長林笨甚卷上猶未着一字闔王票子言苟不交卷不許出教室并放學後亦不許歸家也余與福弟乃往二年教室視之則闔王票子已入教員預備室中而長林獨在擱筆桌上面紅耳赤俯首縐眉方苦力思索徬徨無計時也余與福弟初弗敢闖入倚身門側長林見之向我人合十爲禮蓋其意欲求我人代作也余仰視黑板上粉字之題字爲花○色○香○三字恍然有悟卽以鉛筆就一廢紙上書之文曰張氏有女芳名明霞立玫瑰叢中人面花容爭妍鬪麗霞之色勝於花霞之香或不如花之芳烈也書已搓之成團擲入教室內適落於長林之身畔長林喜不自勝急向余拱手者再拾之起展而平之陳之膝上握管騰寫不稍稽遲余與福弟匿笑不已蓋張氏明霞確有其人卽闔王

票子張先生之女也。余與福弟均知之甚悉。而長林則不知也。余弄此狡詭，不獨以之弄長林，蓋藉弄閻王票子也。不一刻，長林已騰寫竣事，收拾其筆硯，已欣然持卷入教員室。彼閻王票子者，方坐書桌前，一籐製之椅上，就其白銅之水煙管，狂吸不已。長林以其課卷置之桌上，安然欲出，猶不知禍之將至也。亦大可憐矣。蓋張見長林交卷已置，煙弗吸，將長林之課卷翻閱之，而怒容爲之立現。時長林足尙未越教員之室，方及門，卽厲聲呼止之。且命其返。長林愕然，急反面，張忽皺眉，如有所思，繼之以微點其首，詰長林曰：汝誠可惡。每值綴法時，猜人代作斯篇，果出何人手？筆速言，毋隱。若再狡賴，不汝恕矣。時余與福弟以爭欲先睹活劇，故立窗外，翹足以窺。不料張先生已瞭然於斯篇之作，固另有人在。致有此問，爲之駭然，以爲長林苟揭穿此中秘密者，則余必遭其嚴譴。以是憂懼甚。幸長林慙弗以直陳，固言已作張怒目曰：篇中辭旨悖謬已極，非良好之學生所宜出此。爲學校所不容，理當斥。

逐特以汝笨而且憨。殊不致有此。必出自狡滑者之手。將以之弄人者。居心之險惡。令人痛恨。汝好夙莫辨。死不直陳。代人受罪。殊不值得。時菩薩林先生及陰間秀才章先生亦在室中。聞語共就張處閱得妙文。均爲之胡盧。不已。長林仍不承。謂文果已出。苟屬謬詞。願甘受罰。余聞語爲之大慰。張厲聲曰。罰耶。恐不足以抵其過。法當除名。汝明日不必再來矣。長林乃哭且辯。謂文雖不佳。充其極無分足矣。罪不至除名。張憤然曰。豈獨不佳已者。措詞尤悖謬絕倫。非除名不足以示警。長林猶譁辯。蓋初不知何所謂悖謬也。菩薩至此復發其慈悲之心。爲長林求減罪。張以校長言改責二十下。并火其文。以了事。長林出頗有怨言。於余。余慰藉之。而歸過於張。謂苟再猜余代作者。當以審慎出之。長林愁直卽亦釋然。

第二十九章 書室私訂 六月初二日

今日爲校中暑假後之第三日。昨宵阿父以事自滬返。晚膳時阿父與母商。

謂家居蘇州。父住海上。諸多不便。擬中秋後舉家徙滬。俾便照料。母以家具搬運事非易易。欲暫過一年。俟之明春舉行。阿父以爲可。遂定議。余則爲之不樂。蓋徙滬之後。身無彩鳳雙飛翼。難與婉姊常相把臂矣。情好逾恆。一朝離別。相見無期。處此景地。能不從中來乎。因私商之二姊。求一得與婉姊常敘之法。二姊愛我。并識婉姊。許爲請求。余母猜人爲余求耦於婉姊。俾成夫婦。如大姊之與姊夫。余乃大樂。然余母愛余。雖不我却。而婉姊之父。或母苟不之許者。則奈何。更未識婉姊於此。其意云何。是以余於早餐後。卽欲以此往告之。求其同意。并表示於其父母之前也。旣出門。卽遇福弟。遮道相招。作街頭之遊玩。余以直告之。渠不我許。謂汝能設一計。弄人以資我笑樂。則任汝行矣。不得已。從之道。經某曲巷。有鄉下兒。肩擔瓜。行於前。呼賣瓜。弗已。瓜貯於筐。前後各一中。挑以竹桿。余謂福弟曰。是可從而弄之也。授以計。輕我人之步履。趨而前。使無所覺。旣及其身後。余以右手壓其竹桿之後端。隨以

行福弟脫其貯瓜之筐反趨而去。梘端以得我右手之壓力得不輕於前端。而上翹故賣瓜之兒不之覺也。及將達巷口余料福弟去已遠乃縮余右手。梘之兩端所着之力既失其平乃後端上翹而前端下滯附於前端之筐亦復與竹梘宣告脫離而墮地矣。筐覆瓜悉倒出滾滿巷口賣瓜者乃駭極而號回顧身後則又失其一瓜筐所在更惶急甚以目視余余微笑揚兩手示之蓋恐其疑及余也。渠揖余曰若行我後當有所見果誰盜我瓜者其人今奚往矣。乞語我當以佳瓜兩個爲贈。余曰我殊不作得瓜想事不干我多言足以招怨尤恕不能爲汝告。賣瓜者曰若苟語我我至感激決不以若爲證人而累若我苟不能復得其既失之瓜者則將受父母之撲責幸憐而告之言時淚承於睫狀至動人。余曰決不累及余耶則當爲汝告指巷口一家門首曰個中有一童子衣服華美脫汝盛瓜之筐於梘頭卽攜之返奔以入窺其狀貌束裝意似不在盜瓜特欲作弄他人以爲笑樂也。若且弗急試拾地。

上之瓜起置之筐中提之以俱入其內用婉言以探問當能得汝既失之瓜非然者則地上之累累者真將不爲汝有矣賣瓜者從余言一一拾其倒地之瓜盛之筐中提之而入余隨之室中主人見之以爲來賣瓜也詢以斤價渠則陳其來意向索所失瓜主人愕然謂我家無童子惟二女孩耳且今晨足未出門又孰從而盜汝瓜賣瓜者力持之主人曰誰爲證賣瓜者以目睨余余怒以目彼乃無可爲答主人怒指爲索詐將飭僕操杖以逐之賣瓜者哭而出余亦隨之及門福弟自巷之彼端來與余僞爲弗識也者詢賣瓜者何爲而哭賣瓜者具告之福弟笑曰汝母悲瓜果在也余於巷之彼端見之汝速視之則物歸故主矣賣瓜者急奔往攜其既失之筐奔而返收淚謝福弟以四瓜獻福弟却之欣然肩其兩筐而去余與福弟笑不可仰蓋笑賣瓜者受我人之愚弄而木然不知也福弟以得此一番笑樂如約放余行余乃別之而往婉姊處入門至庭前聞琴歌聲作春光好之曲幽揚悅耳聲出自



婉。姊。書。室。蓋。婉。姊。晨。起。以。琴。歌。遺。興。時。也。余。佇。立。門。外。俟。其。一。曲。既。終。始。步。入。婉。姊。聞。余。足。音。已。辨。爲。余。曰。奇。弟。來。耶。推。琴。而。起。牽。余。手。坐。沙。法。上。余。以。有。事。纏。心。不。覺。現。憂。思。狀。婉。姊。心。細。已。留。意。及。之。卽。詢。余。曰。君。之。面。有。不。豫。色。然。殆。有。所。不。樂。耶。余。應。之。曰。唯。誠。如。姊。言。我。們。兩。離。別。之。期。不。遠。矣。蓋。明。年。之。春。我。父。將。舉。家。徙。滬。也。婉。姊。亦。立。變。其。色。曰。斯。言。信。耶。抑。戲。耶。余。曰。良。信。初。非。戲。言。未。識。我。姊。於。此。於。意。云。何。婉。姊。蹙。額。曰。儂。殊。不。樂。聞。此。消。息。蓋。我。們。兩。誠。不。願。有。離。別。時。也。曰。然。則。我。姊。將。何。以。處。此。亦。有。術。以。求。免。乎。婉。姊。作。沉。思。狀。曰。難。言。也。君。之。父。及。母。既。已。定。議。自。難。打。消。則。明。春。之。離。別。已。勢。所。難。免。惟。有。圖。補。救。之。策。耳。余。曰。計。將。安。出。婉。姊。微。赧。無。語。曰。明。春。之。離。別。既。難。求。免。則。我。人。當。圖。他。年。之。永。叙。以。資。取。償。我。姊。於。此。亦。同。此。心。否。渠。點。首。無。語。而。羞。態。可。掬。曰。然。則。我。二。姊。已。爲。我。人。割。策。許。代。請。求。余。母。倩。人。作。伐。爲。余。訂。婚。於。我。姊。特。弟。意。此。事。須。先。得。我。姊。同。意。方。可。進。行。苟。我。姊。不。



以爲可者則不如其已。幸我姊有以示之。婉姊垂首及臆。紅暈於頰。閉目如弗聞。久久不答。余惟恐其抗絕。心房跳躍。不能自己。屢加催促。終不得其答。詞余不可耐。曰：同意與否？一言決耳。悉如姊意。不敢強也。言已更迫之不已。婉姊始發言曰：不願將如何？余曰：姊真不之願耶？抑戲言耶？曰：真也。非戲。不願。不願。余聞語。心痛如刀割。乃大悲掩面而哭。不知涕淚之何從也。而婉姊則吃吃笑。余自問自幼未嘗乞憐於人。未嘗示人以弱。惟於婉姊則不然。以遺失渠之小影。故作第一次之乞憐。今日復示弱於其前。余悲而渠笑。渠笑益烈。余哭益哀。忽婉姊以手拍余之肩曰：痴者奇弟。何哭之哀也？余憤然曰：忍哉！婉姊狡者。婉姊既致余悲。而令余哭。猶復假惺惺作態曰：何哭之哀也。得毋弄人過甚。渠則笑曰：是誠奇事。儂又何嘗致君悲。余聞語大惑曰：不願兩字。非出自姊口。而入於弟耳者。一室之中。惟我與爾。致余悲者。非姊而誰？婉姊嫣然笑。弟自不之察耳。以我們情好之篤。於此問題。豈有不願之理。是

不待言而可知矣。而弟必迫儂作答。則儂必乘機以戲我弟矣。明明戲言也。而竟以爲真。悲不自勝。謂之非癡。其可得乎。余聞爲之喪然。蓋言雖奇而理則正。令人無可駁詰。以好弄之。我一旦轉爲人弄。能無慚汗而驟獻好音。歡喜之心亦復難言。狀欣然曰。然則姊固贊同也。然乎否耶。婉姊赧然點首。作嬌嗔曰。憨者弟也。此猶不足以表儂意耶。雖然。事之成否。猶不可必。蓋此種問題。儂殊無自決之權。苟儂之父母加以否認者。則無如願之望矣。儂母素亦愛弟。求其同意。自不致有拒絕之意。若儂父則殊難令人測度矣。余急曰。姊獨不能表示其意於堂上乎。曰。儂無姊妹。果無代請堂上之人也。言已默然相對無語。

第三十章

賂警成眷

六月初八日

今日晨起。天氣炎熱。特甚。早餐後。以我母已於前日託舅父往婉姊家爲余求取。婉姊庚帖。尙未得覆。擬於今日往訪婉姊。時一探消息也。卽出門去。道

中幸未遇見福弟等得無阻滯直達婉姊家升堂入婉姊書室室中之寫字檯上玉膽瓶中插有並頭蓮一枝配以如蓋之圓葉雅潔可愛婉姊方殺粉調鉛伏案作畫蓋爲並蒂之蓮寫生也時已潤色畢事見余入擱筆起逆曰弟來乎儂待之久矣我家後院中植蓮花一巨缸數年於茲矣今歲花開適有並蒂之蓮一枝發現其間阿儂愛之甚折以供之案頭爲之寫照以留紀念余微笑曰花如人意乃預示我人以配合之朕兆亦不啻爲我人寫照也婉姊赧然曰願如君言尙期令人無好事多磨之憾則我人之幸福厚矣當馥香禱之特有欲爲弟告者則昨日之夕儂父及儂母背儂談我人事至於久久初儂母於儂父前頗稱道君謂非特玉雪可愛且天資過人與儂復愛好無間本不必另招吉士今既君家先來關說不如直截應之以免另生枝節儂父初無異議惟尙倩張鐵嘴卜之苟卜之而吉者則事且立諧否則敗矣無商量之餘地儂母亦力贊之議乃定今日之下午將喚鐵嘴來矣此婢

女寶兒私以告儂者。寶兒素未以謊語欺儂。事當確是以我人終身事成就。與否權已不在我人手。亦不在我人之父母手。而操之於一雙目失明之張鐵嘴之手矣。苟鐵嘴而瞎三瞎四。遽以不吉爲言者。則如之何其可。弟素以聰明人自命。於此必不致半籌莫展。而無預防之法也。余聞語立悟曰。斯事易易。想無失敗之憂矣。婉姊急請其說。余笑曰。姊亦慧心人。豈不知錢可通神耶。此輩小人愛財如命。貪心如狗。苟給以少許之金錢者。則如投狗以骨。任我西東矣。余卽歸取我金以買其口。時且近午。事不宜遲矣。余固識其家也。婉姊附掌稱善。謂兵貴神速。儂亦積有多金。弟不必歸取矣。言已出。銀圓四枚以授余。余亦弗却。受而懷之。卽辭出。不一刻抵張鐵嘴之門。首鐵嘴適在家中。獨坐外室。持長煙桿。吸紫玉秋藍色之煙。瀰滿一室。中人欲嗽。目既失明。猶上睽不已。究不知其何所睹也。赤其膊而不衣。汗臭觸鼻。想未經沐浴已數年於茲矣。穢褻之狀。令人作噁。余好弄之性。又大發。適襟上留有。

鐵針一解之下。持之躡足入。微余呼吸。至其身旁。以鐵針之尖。輕刺其右臂。渠覺以爲蚊也。急起。左手拍之。余急縮手。而刺其左臂。渠急以右手拍之。余又縮手。左右刺。續續不已。渠亦左右拍。勢且應接不暇。乃作申申。詈謂蚊何多也。既而疑。持其煙桿。將以攪其身之四周。幸余知機。先退。不然。且受當頭之棒。喝余退出門外。復效女子身。呼而入。曰。算命先生在家耶。渠應曰。在在。汝爲誰。余嬌聲應之曰。我爲算命來也。渠詢以家居何許。余應以塘口。渠請余坐。詢余年歲及生辰。余四顧室中。除渠所坐之一破椅外。惟一方木小橙。亦已缺其一足。其年歲當在鐵嘴上。苟鐵嘴爲之。算命者不知其將如何瞎說也。余以十八歲告。某月某日某時生。渠詢余已否嫁。余以待字對。渠乃爲余推算。語多不倫。謂余今年喜星照命也。將來多子多福也。余力贊其靈驗。彼乃大惑。致有穢詞。意在挑余也。余乃作男子口吻。大聲斥之。渠駭極而戰慄。起身欲遁入內室。余笑止之。語以故。渠始敢安坐。余因述來意。并許以四。

銀。圓。之。酬。金。渠。喜。極。而。至。於。涕。零。開。其。笑。口。饒。涎。欲。滴。余。恐。其。忘。或。誤。也。囑。其。凡。遇。今。日。來。占。婚。事。或。配。婚。者。悉。應。以。大。吉。以。免。誤。事。渠。唯。唯。余。卽。授。以。金。渠。口。中。連。詭。無。須。而。伸。手。固。不。遑。也。所。事。既。訖。余。卽。歸。飯。俟。至。旁。晚。余。復。往。婉。姊。處。探。消。息。乃。知。我。人。之。計。已。行。彼。張。鐵。嘴。者。爲。我。二。人。有。力。之。撮。合。山。矣。

中華民國十一年二月十日四版

頑童日記（全一冊）

\*\*\*定價大洋四角\*\*\*  
外埠酌加寄費匯費



編輯者 滑稽編輯社

發行者 滑稽出版部

印刷者 滑稽出版部

總發行所 上海白克路大陸圖書公司